



۴۲۱

«دین و معیشت» مشترک پبلشرز ہندوستان

«دین و معیشت» مطبعہ سی اور نمبر غلہ



اشته حضرت مسیحہ ناعق عز و و افترا ای دیلان الوهیت خصو
 صتک بطالانی ایچون انجیللرده هیچ بشقه بر دلیل اولمسه یالکمز بو
 آیتلرده عیسانک بیان اولنان احوال و افوالی کفایت ایدر اکر عیسا
 نصارانک زعمی کبی اللہک ابن وحیدی اولوب خلاص بشر
 ایچون کامش و کلدیکنی بیلوب خبر و یرمش اولسه خوف
 موت ایله مضطرب و محزون اولور می و یرلره فیانوب ممکن
 ایسه بوکلر بندن کچسون دیو نضرع ایدر می حاشا طائفه
 صار الشبو تالیثی اناجیلده کور دکاری اب و ابن تعبیرندن
 استیلاک و اختراع ایتدکلرندن بونک تحقیقی دخی مقامه
 اوقتدر معلومدر هر لسانده کندینه مخصوص هر طاقم
 تعبیرات بجایزه وارد اکر بونلر حقیقته بحیل اولنسه خلاف
 مقصد اولور مثلا اکثر لسانده محبت و حریمیت و کلفتسرتک
 مقامنده بر کومه اعلا افر بلسندن اولمیان بر آدمه اوغلام ۱

بابام فرنداشم دینه بیلور لکن بویله دیملکه بیانچی اولان
 آدم او کسه نك حقیقه اوغلی باباسی وقرنداشی اولوق
 و بو تقریب ایله میراثنه داخل بولنوق لازمکه لسان عبرانیه
 دخی اب لفظنی الفاظ تعظیمیه دن و ابن دخی ادات نسبت
 و اختصاصده اولمقل حضرت عیسا مقام تعظیمده و عبودیتک
 بو تعبیر لری استعمال ایتمشدر و انجیللرده محرر اولدیقی
 اوزره بر چوق محالمرده حواریونی دخی تشریک ایله سزک
 باباکز دیو جناب اللهی مراد ایلمش ومتنی نك بشنچی بابنه
 نه موطالی صلح ایددیجیلره زیرا انلر ابناء الله دیو چاغریله -
 جقلر در دیدیکی کبی قاچیر ده دخی حواریون ابن الله دیمشدر .
 و برده حضرت عیسا نفسنه یالکز ابن الله دیموب پك چوق
 محالمرده ابن الانسان دخی تعبیر ایتمشدر نصار ایشبو تثلیث
 مسئله سنی یو حنانک مشکوک العنی بعض عبار تندن استنباط
 ایدوب حالبوکه معلوم اولدیقی اوزره یو حنایه نسبت او -
 لنان انجیل دیکر لر دن پك چوق صکره و یونانستانده یازاد
 یغندن ایچنده مصدو هاته پك چوق اقوال واردر حتی اظهار
 الحق مؤلفی مقدمه سنه یو حنانک کلامی مجاز ایله علوار
 لوب از فقره سی موجود درکه تاویل محتاج اولیه دیمشدر
 ذاتا حضرت مسیحک اقوالی اکثریات تشبیحات و تمثیلات ایل معما کبی
 قبالوجه مجهول سو یلد یکندن کنندی تفسیر ایتهد کچه بر طاقمنی تلویف

لاری دخی فہم ایلکم ممکن اولہ مزدی مع مافیہ حضرت عیسا
 آخر عمر ینہ قدر بن اللہک ازلی ابدی اوغلیم بن اویم اویم
 برمادہ دنوز کبی هیچ بر کلام تقوہ ایتمدی واکثر
 عباراتده حضرت عیسانک اشواب تعبیرینی عبادی
 حقندہ ارحم و اشفق اولہ الطاف و مغفرت بی پاپانی
 اولوق اعتباریلہ رب و مربی یرندہ و ابن لفظنی دخی
 اوامرالہیہ ید انقیاد و نواہیدن اجتناب ایلہ یوزینی
 درگاہ الہیہ یمتوجہ ایدن ارباب صلاح و تقوی مقامندہ
 استعمال ایلدیکی قرائن حالیه ایلہ مستدلدر حتی انجیل
 مرقسدن اون بشنجمی بسابده یازلدیغی و جہلہ حضرت
 مسیح چار میخده تسلیم روح ایتد کده قار شوده طوران
 ضابط حقا کہ شو انسان ابن اللہ ایمش دیدیکی ولو
 قانجیلندہ دخی بو بر صالح آدم ایدی دیدیکی مسطور
 اولمخلد لوقہ نک دیدیکی مرقسک تفسیری اولور وانجیل
 متادن باب خامسده حضرت مسیح نہ موطلو صلح اید
 نلرہ زیرا انلرہ اللہک اوغلمری دینہ چکدر وسزہ جفا
 اید نلرہ دعا ابدک تا کہ مو اتدہ اولان پدر یکرک اوغلمری
 اولہ سکر دیدیکی مصر حدر وانجیل بو حنادن سکر نجی
 ساینده حضرت مسیحک یهودیلرہ مناقشہ سنی شو و جہلہ
 بیان اولنور مسیح انلرہ بنم قتلنی ارا یور سکر یعنی سزہ

اللهدن ايشتمد يکنی سويلين آدمک قتلنی ارايور سکز ابرا
 هيم بونی ایتمدی سز کندی بابا کزک اعماليله عاملسکز
 دیر يهودیلر اگا بز زنادن طوغمش دگلز بزم بابا
 مز واردر یعنی اللهدر دیدیلر عیسی انلره خطاب ایله
 اکر سزک پدریکز الله اولیدی سز بی سوردیکز زیرا
 بن اللهدن کدم کندیلمکدن کدم بنی ارسال ایدن
 اودرسز باباکز اولان شیطاندن سکز و بابا کزک
 شهواتنی اجرا ایتک استر سکز دیدی اشبو معارضه نک
 سیاق و سباقه نظرا يهودیلر بز زنادن طوغمدق بابا
 مز واردیلرندن مقصدلری بابامز اللهدردیمک اولمیوب
 بلکه عیسانک باباسز اولسنه تعریض ایله برابر کندی
 لری عادتاً صلب پدرلرینی مراد ایتدکلری و یوحنا
 حضرتلری عادتاً اوزره مستلپی تحریف ایله بشقه بر
 قالبدو کدیکی امور ظاهره دن ایسه ده مادامکه اعتقاد
 نصارا اوزره انجیل یوحنا موثوقدر بزده آنکه استشهاد
 ایده ریز بو حالده يهودیلر کندولرینه ابن الله تعبیر
 ایتدکلرینه وعیسانک انلری رد ایله ابن شیطان دید
 یکنه باقلنتجه بو تعبیرلرک مجازی اولدیغی تبین ایدر
 یوحنا رساله اولیسندن باب ثالتمده در که هر کیم
 من طرف الله تولید اولندی ایسه کنه ایشلمز اللهدن

هر بری اولاد الله ايله اولاد ابليس شو جهتله بللودر
 و باب خامسده شويله دیر مسیحه ایمان ایدن اللهدن
 طوغمشدر شو حال ايله اولاد اللهی سوریز رسالدر و
 میهدن سکنجی بابده اون در دنجی آیت شویله در روح
 الله ايله ارشاد اولنا نلرک جمله سی ابناء الله در اهل
 فیلیسه پاولوس رساله سنده باب ثانیده شویله دیر هر
 شیء بلا مجادله ایشلیک که ملامتیز و عیبیز اولاد اوله
 سکنز ابن لفظندن دخی تمامیله حال بویله در نته کیم
 لوقا انجیلنده اوچنچی بابنده نسب مسیحی بیان ایدر
 کن مسیح ابن یوسف و آدم ابن یوسف و آدم ابن الله میشر
 آدم علیه السلام معنای حقیقی اوزره ابن الله دکدر
 لکن اناسز و باباسز تولد ایتدیکندن لوقا انی الله
 و حضرت مسیح یالکز بلا اب مخلوق اولدیخندن آنی
 دخی یوسف نجاره نسبت ایلدی آفرین لوقا و بو تعبیرات
 کتب مقدمه ده دخی و ارایدی نته کیم سفر خروجک باب
 رابعنده شویله دیر رب دیدیکه اسرائیل بنم ایلک او غلمدر بنم
 او غلومی براق بکعبادت ایتسون و کتاب ارمیادان اوتوز
 نجی بابک طغوزنجی ایتی شویله در بن اسرائیلک باباسی
 یم و افرام بنم ایلک او غلومدر سفر صموئیل ثانیدن باب
 سابعده شویله در که بن سلیمانیه بابا و او بکا او غلدر و کتاب

استثنا دن اون دور دنجی بابدن اولکی آیتی اوتوز
ایکتچی بابدن اون طقوزنجی آیتی کتاب اشعیانک باب
اولندن ایکتچی آیتی و اوتوزنجی بابدن اولکی آیتی
و التمش اوچنجی بابدن سکرنجی آیتی و کتاب هوشعان
باب اولدن اوننجی آیتلرده انباء الله اطلاق جمع انبیا
اسرائیل اوز ریشه وارد اولمشدر ایمدی اگر ابن الله
تعمیر یله حقیقه الله اوغلی معناسنه مراد اولنورسه اسرا
ئیل افرام سلیمان و سائر انبیا اسرائیل هب الدالوق
لازمکوردی لکن یهود یلر لسانلری اولان عبرانی
بی ایوو بیلد کلرندن بو تعبیراتک مجاز اولدبغی پان
اعلا بیلدیلر و غلطه دوشمدیلر لکن حواریوندا نصکره
انجیل یعنی مواعظ حضرت مسیح صحیفه صحیفه شونک
بونک الندی قالوب بشقه لسانلره ترجمه اولندی یعنی و متر
جهلر ایسه جهلندن اولدوق لسان عبرانی شیوه سندن
بیخبر اولدقلری جهتله متنده هر نه کوردیلرسه عینیه
ترجمه ایتدیلر و صکره اوترجمه لری کورنلر الفاضلی
حقیقتدن بشقه بر معنایه صرف ایتمکد حیرأت ایدمه میوب
اشته بو قیل و قاللر و باطل زها بلر و عقل و حقیقتک
خلا فنده عربی اعتقاد لر هب بوندن نشأت ایلدی
بونک اوزرینه عیسادن بر عصر صکره هر مملکتده

بردارو اعتقاد و هر جمعیت حقیقه ده بر کونند انجیل ظهیر
 ایتسکده بونلرک ایچنده کلان هر غیر تکس متعصب دخی
 کندی مذهبنک تر و بیجی و اخرینک ابطالی ایچون
 ال یازو سیله اولان نسیخه اردن استساخت ایتدکلر نده
 مقصدینه اویغون بر قیاج کلمه صوقشدردی انا حیل
 نسیخه اری اویله بر حماله کدی وینلرنده اوقدر اختلا
 فات کور ندیکه یالکر ازنبق جمعیتنده اللی قدر متد
 اول انجیلک ابطالنه قرار ویرلدی بنا علی ذاک موجود
 اولان انجیلک هیچ بریسی استدلاله شانی سند اوله میوب
 مادامکه عقائد نصارا شمد یلک بونلر اوزرینه مؤسسدر
 انلری اقتناع ایچون بزده انلردن استدلاله تمیزل ایدرز
 نصارانک تأسیس ثالثوث حقیده کتب عهد قدیمدن
 هیچ بر استناد کاهلری اوله میوب اک قونلی دلیللری اک
 مشکوک و مشوش اولان یوحنا انجیلی ایله مقدمات
 انجیلدن بر قیاج عباره مهیدن عار تدر مثلا انجیل یوحنا
 نک سکر نجی بابندن یکریمی اوچنجه آیتنده حضرت عیسی
 سز بو عالمدن سکر بن بو عالمدن دکلم دیهسندن درحال
 الوهیت معناسی چبقار دیلر ویاقشدرمق ایچون ککوکن
 اوندی و تجسم ایلدی دیو شرح ایلدی یلر حاله که آیتک
 معناسی سز علائقی دنیویه ایله مقید سکر بن دکلم دیبکدر

بومعنادن الوهیته دائر برر مناسبت چیقیمده چفی ظاهر در
 انجیل یوحنا دن اون بشنچی اون یدنجی بابده حضرت
 عیسی اوسوزک نقیضنی سویلیوب دیر که بابدن اون
 طقوزنجی ایت شویل در سز لر بو عالمده دکل سکز بن
 سزی او عالمدن اختیار ایلدم بن بو عالمده اولمدیفم کبی
 انلر دخی بو عالمدن دکلدلرلر اشته بو آیتلرده حضرت
 مسیح کندی ایلر تلمیندارینی مساوی طوتدی دیو دلیل
 ظاهر در که آیات مذکورده بو انان عالمدن اولوق تعبیری
 طالب دنیا مائل فانی اولوق ایلر ماء ولدلر و بویله اصطلا
 حات هر لسانده جاری اولوب حالا بزم لسانزده ولسان
 عربده بیلر ابن الوقت ابوالوقت و ابناء زمان ابناء سبیل
 تعبیرلری موجوددر .

تثلیث ایچون نصارانک تومسک ایتد کلری دلیللرک
 بریده اوچنجی انجیل یوحنا ده باب عاشردن اوتوزنجی
 آیتدر انده حضرت عیسی و بابا بزرت دیو مرویدر ایهدی
 بو عباره دن دخی الوهیت و عینیت معناسی اصلا چیقمه مز
 زیرا عیسی بو لفظی سویلیدی فرض ایتسه ک سویلدیکی
 حینده نفس ناطقه صاحب بر انسان اولد یغندن عینا اتحاد
 متعذر اما انلر تأویل ایدوب مسیح انسان کامل اولدیغنی
 کبی کذلک اله کاملدر حالبوکه ینه صفت انسانینه کندوسندن

منك اوله مه مق حیثیثله اتحاد حقیقی تصور اولنه مز هده
 بو تعبیر حضرت عیسی طرفندن منحصر اکندی نفسی ایچون
 استعمال اولنمیوب خوار یون حقنده دخی وارد اولدی ننه
 کیم انجیل یوحنا دن اون پنجه بابده شویله در ۲۱ جهله
 سی بر اولسون ایچون ننه کیم سن ای بابا بنده سین و
 بن دخی سنده یم انار دخی بزده اولسونلر ۲۲ بکا و پردیکک
 یجیدی انلره دخی و پردک که بز بر اولد یغمز کبی انلر
 دخی بر اوله لر ۳۳ بن انلرده یم انلر دخی بنده در سن
 دخی بنده سین مکمل اولسونلر ایچون الخ اه اشته اتحاد
 دن مراد احکام دینیه یه کمال اطاعت و اعمال صالحه ایله عمل
 اولمغله بوندن الوهیته متعلق بر شائبه تخطر
 اولنه مز دلیللردن بری دخی انجیل یوحنا دن اون
 در دنجه که شو فقره در فلپیس اکا یارب پدیری بز
 کوستر بز ه بو کفایت ایدر دیدی عیسی اکا دیدیکه بو
 قدر زمان بن سزک ایله برابر اولوب سن بنی بیلهدکمی
 ای فلپیس بنی کورمش اولان پدیری کورمش ایکن نصل
 کوستر دیه بیلور سین ایددی بو دلیل دخی ایکی وجیله
 باطندر، وجه اول دنیا ده الهی کورمک ممتنع اولدیقی
 عند انصاری دخی ثابتدر حیی اظهار حقک مقدمه سنک بونی
 معرفت ایله تاویل ایدر و مسیحی بیلمک جسمیتی اعتباریله

اتحاد و افاده ایتمدیکندن ناشی باعتبار الالهیت و الحلول
 معرفت معناسنده در دیدیلر و بو تأویل اهل تثلیثک جمهوری
 عندنده و اجبدر دیدیلر حالبوکه بو تأویل دخی باطلدر
 زیرا تأویل بر اعین عقلیه و نصوص قطعیهه مخالف اولماق
 لازمدر بو تأویل ایسه برهان عقلیهه مخالفدر چونکه
 حضرت عیسانک کیجه و کوندوز یاننک بولنانلر بیله عیسانک
 بو خاضیتنی بیللمزلر ایکن اندن هنوز برغان طدبنتک بولنان
 و پدری بزه کوستر کفایت ایدر دیان فلیبس کبی بر اهل
 شکه بن بو قدر زمانلردر سزکله برابریم حالا بنم بابامله
 بر اولدیغمی بیلمدکمی دیمک و بونی دیمکله الوهیت و حلول
 اعتباریله بنی بیلمدکمی دیمکی مراد ایتمک موافق عقل
 و حکمت اوله مز و برده دلیل سابق جوابنده بیان اولندیغی
 اوزره بو تعبیرانده حضرت عیسی جواریونی دخی کندینه
 مساوی طوتدیغندن مذکور آیتدن نصارانک زعم ایتمک لری
 معنا اصلاچیهه مز معلوم ارباب تاریخ اولدیغی اوزره اشبو
 اقایم ثلثه سوزی یکی بر شیخ اولمیوب الیات متعددهیه
 پرستش ایدن اقوام عتیمه اعتقادانندن متشعب بر فکردر
 الهملرک کثرتی جهله عوامک نظر انتباه و دقتنی جلب ایدک
 بر مرتبهیه کلدیکی اثناده علمای مشرکین انلری تشریفات
 مخصوصه اوزره بر ترتیبه قویوب ایچلرندن بعضیلرینی

اصل و کوچکترین فرعی و تابع منزله لرینه تقسیم ایتدیلر
 و بو تقسیمک تحقیقنی بینلرنده اسرار خفیه دن عد ایدوب
 بعض معتمدلری کمال تکلفات ایله اکا محرم و عوام ناسی
 بیکانه طوتدیلر زردشت بونلرک اره سندن تعین ایدوب
 یزدان و اهر من ناملریله ایکی افنوم اثبات و یزدان ال
 الخیر و اهر من ال الشر یا خود یزدان نور و اهر من ظلمت
 اولمق اعتقادینی اختراع ایلدی هند طرفلرنک کی بت پرستار
 اره سندن بر اهمه مذهبی ظهوره کلوب ابتداء افانیم ثلثه
 تعبیری بونلردن ایشداندی بونلر (یار ابراهیم) نامنده بر
 ال اصل اعتقاد ایدر لرکه زعملریک اک کامل دائم السکوت
 اصل کل شیء اودر اما بو ال دیگر ایکی ال واسطه سیله
 اجرا ایدر که بری نیچنو و دیگر سوادر بونلر صاچ ایاق
 اوچ نوع ظهوردن عبارت اوله رقی بر ال در بر اهمه ماضی
 یه و بر کره وجوده کتور امش اولان فعل ناظر در
 آنک علامتی کونشدر ویچنو دخی عقلمر وافی و حافظ
 و مسافه در و حاله ناظر در آنکده علامتی صور سیوا ایسه
 ال تخریدر زمان یا خود استقباله ناظر و عدالت منتقمه در
 آنک علامتی آتشدر افانیم ثلثه سوزینی ابتدا غریبه
 میدانه پیقاران یتمه حکیمدر که میلاد عیسادن بشیوز سنه
 اول لوقرس شهرنده توطن ایدر ایدی بعضلرک قولنجه

یتمه فیثا غورث شا کردانندن اولوب بو فکری اوستادانندن
 اخذ ایتمشدر هر نه ایسه یتمه روح العالم نامنده کی
 کتابنده یازار که چهل دن اوّل مخلوقانک فکر مثال دائمیسی
 وارد که گاهه اولی واقنوم اول اودر کندیسی باطنی و قابل
 التعلقدر ایکنچی مرتبه ماده غیر منتظمه در که کلمه ثانیه
 و متلفظه در واقنوم ثانیدر آند نصکره ابن یاخود عالم حساس
 یاخود معنای عالمدر و جمیع کائنات بو اوچ صنفدن عبار-
 ندر که ابن در الله پک کوزل بر الله یاپهقی مراد ایدوب
 مخلوق بر الله یاپدی بو سوز افلاطون زماننه قدر فاریشقی
 واکلاشلمز بر حالده آغزدن آغزه طولاشوب صکره افلا-
 طون اکا برك وشاخ ویرهرك بر بشقه صورته قویندی
 افلاطون اوچ اصل الهی اثبات ایدوب برنجی اصل اب
 وعالی و حاصل ایدیچی وسائر الهلرك باباسی برنجی اقنوم-
 مدر ایکنچی اصل کورینور اولان اللهکه کورنمز اولان
 اللهک وزیری وکلمه ولوغوس وادراک و بیوک شیطاندر
 اوچنچی اصل دخی عالم کائناتدر دینی اکا کوره اشیاده
 معانیدن بشقه حق یوقدر و معانی یالکز بزم قوه متغیله-
 مزله قائم اولمیوب غیر جسمانی اولارق کندونه مخصوص
 بر قیام و حیات و اردر علوی اولان معنای غیر در که اللهک
 عیندر سائر معانی، علویه اکا تابعدر لر و سفلی اولان

معنای شردر که شیطانک عیندر سائر معانی سفلیه اکامتعلقدر
 لبر قالب عنصری بر زندان اولوب روح مقدا معانی
 مجردهده مستغرق اولدقدنصکره بو زندانه آتلمشدر و حکمتک
 وظیفهسی ممکن اولدیقى روحه تعلقات جسمانییدن تخلصدر
 سفر امکک قولنچه طریق سعادت یالکز اکتساب فضائل
 و کمالاتدر لکن افلاطونه کوره سعادتک کمالی عینا فضیلتده
 موجوددر. و فضیلت و کمال روحا صحت و سلامتی و اعتکیدر
 سعادت، ایچون منافع متصوره دن دخی مکافات اخر ویه قصد
 ندن بیله وارسته اولهرق یالکز کسب فضیلت کفایت ایدر
 مذهب رواقیونه کوره بالکز ابولک فضیلت و بالکز
 کوتولک فسقدر صحت عملت ثروت فقر حتی حیات و ممات
 دخی حد ذاتلرنک نه ایودرندهده کوتودر لر انلری ایو
 ایتمک انسانک یدتصرفنکدر و انسان قدر الهییه توکل
 اوزره کندی اراده سنی اراده الهیهه تابع قلمق لازمدر
 ونوع بشر بر سوری ید مشابسه اولوب
 آنک جو بانی عقل غمی می یعنی لوغو سدر که قوه خالقه
 طبیعتدر بتون انسانلر فرنداشدر لر انارک پدر مشر
 کلری زوز یعنی اللهدر زوز عالم کائناتک روحیدر
 قدیدر واحددر سائر الهات آنک اچواسیدر اشراقیون
 صلح و مرحمتی زیاده توصیه ایدر لر و حتی بر کسه آخره

احسان ایتمهکن اولان لذت کندینه آخرک احسان یتمهساندن
زیاده در دیرلر

وانجیلده عیسیایه نسیت اولنان (ویرمهکن اولان لطاف
فت المقدن زیاده در) دیدی اشبو اقا نیم ثلثه فکری آتته
دن اسکندریه یه کچدی وحضرت عیسانک ظهوری اثنا
لرنده اسکندریه مدرسه لرنده موضوع بحث ایدی حتی
اول عصرده بنی اسرائیل علماسندن اولوب اسکندریه ده
مشهور اولان فیلونه دخی بوفکری دین موسی عقائدی
لایقنده بواقی استیوب دیر که توراتده دنیانک التی کونده
یارادلمش اولدیغی طوغریدر زیرا اوچ عددی التینک
نصفی وایکی عددی دخی التینک ثلثیدر وبو عدد هم ار
کک وهم دخی دیشیدر والله قوه عاقله ایله از دواج ایدوب
عاقله دن سودیکنی ابن تولد ایتدیکی دنیادر وفیلون
ملکاره کله الیه دیدیکی کبی دنیایه دخی کلمه الیه تعبیر
ایدر که افلاطون مسلکیدر اشبو افاده دن مستبان اولور
که بعضی صفاتی اثبات ایله انلری کندینه عین و مساوی
عد ایتیک وتصفیة قلب وتهذیب اخلاق ایله مظهر سعادت
اولقی وقدر الی یه تسلیم وتوکل اوزره بولنمق ونوع
بشر اللیوک اولادی منزله سنده اولوب الله جمله سنک
مشرک پدری اولقی بالکنز انجلارک خبر دیردیکی

شمیلر اوله یوب انلردن نیچه یوز سنه ابر مقدم حکمای
 یونان بیننده موضوع بحث اولمش و بنا برین بو سوزار
 انا جیل عتیقه ده بولنمیوب دین مسیحک یونا نستانه واسکندر
 یه یه انتشار ندنصکره یازیلان جمله انا جیل متفقدر که
 حضرت عیسی دین موسی ایچنده طوغدی آخر عمرینه
 قدر آیین موسوی اوزره حرکت ایتدی اسرائیل بیراملر
 ینی انلره برابر اجرا ایتدی سینا غولزده وعظ واحکام
 تورانی تبلیغ دین موسادن انحراف ایدنلره تعلیم دین
 وادب ایدردی وینه تقید ایتمش بنی اسرائیل انلرک نسلی
 دیو تعزیر ایلردی سائر یهودیلر کیبی ویضی الیه اردن
 صوینده تعید و حین ولادتنده ختان اولندی وسدت عمر
 نده کندیسی بر کهمسه بی تعید ایتندی اورج طوندی
 وخنزیر اقی یمدی الله بکا حلول ایتدی بن، اللهم ازی
 وابدی اوغلویم بنم شخصم ایکی طبیعتدن یعنی ناسوت
 ولاهوتدن مرکبدر روح القدس بابامک وبنم مشترکا
 امریهزه اجرا ایدر ثالوث اقدس، ایمان ایدیکز دیمدی
 بن شریعتی تغییره کلمدم تحکیمه کلمدم دیدی وکلیسا
 دائر اولان تاریخلرک جمله سی متفقدر کسه نه حضرت
 مسیحک حیاتنده نه ده حواریون زمانلرنده ثالوثه
 دائر نصارا بیننده بر فکر دشی یوغیدی اناچیلک تحقیقی

بحثنده بر تفصیل بیان اولنه جغی وچوله اقاییم سوزی بین
 النصرارا میلاددن ایکنچی عصر اوآخرنده ظهوره کلوب بو
 فکر ایسه دین مسیحک تمامیله خلافتنده اولدیغندن بر مدت
 اواعتقادک اصحابی انی نصراردن کزلدیلر وحفظ صورته مخر
 ماننده نشرندن دخی فارغ اولدیلر ایشته بو اثناده ایدی
 که ثالوث اعتقادنده بولمان ترویج مندهلری ایچون یو-
 حنا انجیلنی والیامات رسائیلله پاولوسدن منقول رسائلی
 نشر ایتدیلر بوندن طرف طرف ملت نصراراینده اختلاف دوشوب
 نیجه مجادلات و منازعات حدوثنه سبب اولدی وایکی طرف-
 فدن اهل قلم اولنلر کندی طرفلرینک اعتقادینه رواج ویر
 مک وغلبه ایتمک ایچون کونا کون انجیلر وحواریونده
 منسوب حسابسز رساله لر یازدیلر نهایت اوچیوز تار-
 یغله نندن ایش جسمت کسب ایدوب ملت نصرارا ایکی بیوک
 فرقه یه منقسم اولدیلر بر فرقه عیسانک بلا فرق عین الله
 اولمسنی ادعا ایدر لردی و بونلرک رئیسسی استنا نبول
 پستقبوسی اطناس ایدی دیگر فرقه عیسانک اول مخلوقات
 ومبعوث من عند الله اولمسی اعتقادنده ایدیلر و بونلرک
 رئیسسی عاریوس نامنده بر راهب ایله از مید پستقبوسی
 اوسب ایدی اشبو ایکی فرقه اره سنک منازعات چوغالوب
 افکار مات تشویشه وامور دولت دخی اختلاله واردیغندن و

حاجی بیلمه ونزه بارش شوک

استانبول ایمپراطوری قسطنطین مباحثاته بر قرار قطعی
 ویرلک ایچون اوچویز بکرمی بش سنه سنه از نیکده بر
 عظیم جمعیت رهبانیه تشکیل ایلدی بونلرک جمله سی
 اوجه عیتده بولنوب بر چوق محاوراتد نصکره اطناس طرفی
 غلبه ایتمکله ایکیوز اون سکر پستپوسک اتفاقیله عیسا
 اللیک ابن وحیددر اللیک صلبندن کادی یعنی پدرینک
 تخمندن حاصل اولدی که اللیک اللی نورک نوری الله
 حقیقینک الله حقیقیسدر روح القدسه دخی ایمان ایدرز
 اساساری قرار پذیر اولدی اشبو چه عیتک احوالی بیان
 ایدن (نیسفور) تاریخک سکرنجی کتابندن بکرمی
 اوچنجی فصلده (وبارونیوس) تاریخک برنجی جلدنده
 دبرلرکه محاوراتک دوام ایتدیکی مدتده اعضای جمعیتدن
 (قریزانت) ومیزونیوس نامنده ایکی پستپوس و فات
 ایتمشدر ایدی قرار نامه نک امضاسی اثناسنده دبریلوب
 مز ارالرنندن قالدیلر وبعد الامضاینه وفات ایتدیلر انتی
 ایشته فلم اوچیله اولولر دیرلتمک سقل ورایکان اولدیقی
 عصرارده کلیسا مورخلری کبی معتمد ومؤتمن اوله جق
 ذاتلر بیله سوق حیتله بویلائی ارتکابندن کندولرینی الهما
 مشلر و دین مسیح کبی بر دین صحیحی کویا رواجنمدار
 اولور اعتقادیلر بو مثللو غرائب ایله طولدیروب سخره

عقلای دوران ایتمه شلردرینه جمعیت مذکوریه دائر مضبوط
اولان ضمیمه ده بیان اولندیغنه کوره اول عصرده هر
طرفده بر چوق انجیللر بولنوب بولنرنک حق و باطلی فرق
اولنه مدیعتندن بولنردن اللی درت قطعہ مختلف اناجیل
حضور جمعیتک محرابه وضع ایله جهله حضار متوجه اولدقلرنک
انلردن اللی قطعہسی کتدولکارندن پیره دوشوب فقط درت
قطعہسی دوشمندی بناء علیه اوشبو دردک حق و دیکرلرینک
باطل اولدیغنه جمعیتجه قرار ویرلدی واوزماندنبر و اوشبو
اناجیل اربعدن ماعداسنه اعتبار اولنمندی واله کچن نسجه
لر نحو ایدلدی هر نه ایسه ذکر اولنان جمعیتده ایسکی
بیک قدر دها زیاده رهابین موجود اولوب بولنر بالجهله
عار یوس اعقادنده اولدقلری حالده اطناس استانبول
پسقیوسی اولوق ملابسہ سیله اکثر پسقیوس رتبه سنده
اولانلر اکا رعایت ظرفنی التزام ایتمهکله امر دین کبی
بر مهمه عظیمه نک تحقیق وتمییزنده بیله نفوذ واقبالک تآ
ثیریله عاریوس طرفی مغلوب اولدی بونک اوزرینه عار
یوس نفی ایدلدی بعده اطناس نفی اولنوب عاریوس
استانبوله دعوت قلندی وقسطنطینک اوچیوز اوتوز یدی
سند سنده وقوعبولان وفاتندنصکره اطناس فرقه سیله عار
یوس گروهی اراسنده عظیم بر قتال اولوب بو عربدهده

عاریوس فرقه سی غالب اولمغله مدت مدیده آنک مذهبی
 تقرر ایتدی لکن صکره دن ینه اطناس طاقمی فرجه نفوس
 بولوب عاریوس مذهبنده بولناناری انواع تعذیبات ایله پر
 یشان ایلدیلر هر نقدر مذکور جمعیتده اساس تثابث تا
 سیس اولندیسه ده روح القدس مبهم بر اغلماش اولدیغندن
 اکاده بر محل تعیینی لازمکمله اوجیوز سکسان بر سنه
 سنده استانبولده عقد اولنان جمعیت رهبانیه ده اکا دخی
 قرار ویرلدی یعنی ذکر اولنان از نبق جمعیتک قرارلری
 اوزرینه روح القدس الله محبدر ابن دن اجرا ایدرواب
 واین ایله برابر اکا عبادت اولنور اساسی علاوه قلمدی بو
 ندنصکره روما کلیساسی ابی دخی علاوه ایدوب روح القدس
 اب واین دن اجرا ایدر اعتقادینی تاسیس ایلدی بو قراری
 ابتدا یعنی در تیوز قرق سنه سنده اسپانیا پاپاسلری
 ومؤخرأ بیک ایکیوز یتمش درت سنه سنک ایون شهرنده
 عقد اولنان جمعیت رهبانیه تصدیق ایلدی روح القدس
 موقعی اولو جهله تعیین اولندقدنصکره نوبت حضرت مریمه
 کلوب آنک دخی صحیحا اللیک والده سی اولدیغنه وعیساده
 لاهوتی وناسوتی اوله رق ایکی طبیعت و بر شخص بولند
 یغنه انسوس شهرنده در تیوز اوتوز برنجی سنه سنده
 عقد اولنان جمعیتک قرار ویرلدی حتی اول جمعیتک بولنان استانبول

پسقبوسی نسطور یوس مریم ایچون مسیحک والکسیدر دینا سنی
استمکله اکا اسخر یوطی یهود القبنی ویره رک بتون حقا-
رت ایلدی بو عربده لر دنصکر برده صور واشکاله پر-
ستش جائز اولدیغی نزاعی چیقوب چونکه دین موساده
اشکال مرتسمه یه عبادت منتهی اولدیغی چپتله دین مسیحک
بدایت ظیورنده دخی عامه حواریون شاکرداری اندن
نوقی ایتلمری اوزرینه پروتستان وایتالیا اهالیسی اسکی
پت پرست دینی اوزره عبادت اصنام واشکاله مائل اولد-
فلرندن دین مسیح اول حوالی یه کلدکده بعض رها بین
حضرت مسیحک ووالده سنک رسملرینه تعظیم اولنمغه
مساعده کوستر مشلر وسائر جماعات مسیحیه بونی اساس
دینه مخالفی کوروب منازعه یه قیام ایتمشلر ایدی بو
کشاکش ییدیوز سکسان یدی سنه میلادیه سنه قهر
دوام ایدوب نهایت سنه مذکوره ده از نیقده عقد اولنان
جمعیت رهبانیه ایله اشکاله پرستش اولنمقی اوزره قرار
وبرلندی و فرقه مخالفه ایسه بو قراره موافقت ایتمیوب مناز
عات و مجادلات سکز یوز فرق ایکی سنه سنه قدر سور-
دی و اوسنده ایمپراطور میکل ایله اناسی امریله استا-
نبولده بر جمعیت رهبانیه ده تشکیل اولنوب اوراده عبادت
صور واشکال اساس عقائد مسیحیه دن اولمغه قرار

ویرلدی وعبادت اشکاله مخالف اولانلر تکفیر اولندی سکر
 یوز الی سکر سنه سنه شرق کلیسائی روما کلیسایسندن
 آیریلوب بشقه چه بر مذهب تأسیس و بر چوق اسا
 سلرده روما کلیسایسینه مخالفت ایلدی مثلا شرق خر
 ستیانلری پاپانک ریاست روحانیه سی و روح القدسک
 اب و ابندن اجزا ایتدیکنی و آخر تده اعراض مقامنی
 انکار ایدرلر عشاء ربانی بی مایه لو اتمکله یاپارلر پاپا
 سلرک تاهللرینه مساعده کوستر برلر قاتولک کلیسائی
 پاپالرک کبر و نخوتی سببیله شرق اهالیسنی تفریق و تنفیر
 ایتمکدن بر بیوک درس عبرت و انتباه اولوق لازمکلور
 کن بالعکس پاپالرک غرور عظمتی و قار دینالارک
 رعونتی و سفارتلرک کتد کچه تزیید ایدوب بشیوز
 تاریخلرنده پروتستانلق ظهور ایله روما کلیسائی اولکندن
 زیاده متفرق اولدی بیک بشیوز اون سنه سنه پاپا
 مسندنده حکمدار اولان اوننجی لیمان بر معتاد المانیا
 اهالیسنه توزیع عفو معاصی ماموریتنه دومنیق پاپاسلر
 ینی تعیین ایدوب اوکستن پاپاسلری ایسه دیکرلرک
 ترجیح اولنمسندن متاثر اولمغله لو تر نامنده بر راهبی پیدشوا
 اتحاد ایلدیلر لو تر دخی پاپانک عفوئی مسئله سنده اعتراض
 ایله برابر طقسان بش تکلیفاتنه المانیا حکمدارلرندن

بر چوقلاری اتباع ایلدیلر لوتر مذهبنده انا جیلدن غیر ی
 شیئه اعتبار اولمییوب پاپا طانیلمز باشلق یعنی ترک دنیا
 ایله مناستر نشینلک و پاپاسلر تا اهل ایک ماملری کناه چیقار مق کبی
 شیلر یوقدر اندن بر از صکره فالوین ظهوره کلوب
 پروتستانلغه بعض الحاقات ایدرک باشلیجه بر مذهب احداث
 ایلدی فالوین مذهبنده عبادات ظاهریه یوقدر پاپالیق
 پسقبوسلق پاپاسلق کبی مراتب دخی یوقدر عشاء ربانیک
 عینا عیسانک وجودی بولنمسنه اعتقاد ایتمز واغزه اسلافه
 پرستش اولنمغه مساعده کوسترن انساندن اراده جز نیهی
 بوسبتون سلب ایدوب سعادت وشقاوت مقدرات از لیه
 دنر اعتقادنده بولنور بعده لوتر وقالوین مذهبلیری
 دخی فرق متعددیه منقسم اولوب الیوم المانیا وانکتره
 قطعارنده پروتستان نامیله لا اقل بشیوز قدر فرق و مندا
 هب بولنور ایشته بو تفصیلات تاریخدن آشکار اولور که
 مسیحیلرک الیوم اساس معتقداتی اولان تثلیث مسئلهسی
 واقانیم ثلثه نك تعیین موافق ووظائف وعبادات باطنیهی حصر
 وظیفه ایله ظاهر انجیل ایله عمل ایدلما مسمی کبی شیلر
 انجیلدن استنباط اولنمش فرائض صحیحهدن اولمییوب بلکه
 شکوک متنوعه واغراض عدیه اوزره صکره دن تشکیل اولنان
 جماعات رهبانیهده غلبه نفوذ جسمانیه ایله فرار ویرامشدر

وعشاء ربانی وپاپانک وکالتی واغزه اسلافک مقدسینی
 وپرهیزلر ویورطیلر وحضرت مریمک صورۃ امیتی وعبا
 دت اشکال واصنام وعفو کناه واعراف کبی مسائل اساسیه
 قاتولکلر ایله پرتستانلر ارممنده اولان تضاد وتبااین بر
 حده بالغ اولمشدرکه یکدیگری نظرنده هر بری اهل
 جهنمدر واما اهل توحید وعرفانه کوره مادامکه ایکی
 طرفک دخی قولنجه برینک اجتهادی روح القدسک الیامیلدر
 ایکی طرفی دخی بو ادعالرنده صادقلردر ملت مسیحیه نیک
 عقائده دائر کتابلری او قوندقه کوریلرکه اشبو اقانیم
 ثلثه حقنده تابدایتدن یعنی میلاد عیسان اریکیوز ایلی
 سنه مرورندن شمعی یه قدر متعدد کلیسالر بینک ظهوره
 کلان اختلافات کثیریه حد ونهایت یوندر واقعا الله تعالی
 اب وابن وروح القدس ناملریله اوچ اصل واقنومدن عبا
 رت جوهر واحد اولدیغنه جهلمسی اتفاق ایدرار لکن
 اول اوچ اصلک طبیعت واتحاد وامتزاجی بحثنه کلنجه هر
 بری بر زعمه ذامب اولورار بعضیلرینک قولنه کوره
 اقانیمدن مراد هر بری شخص مخصوص اولمیب بلسکه
 بر ذات اصلک صفاتیدر بعضیلر دیدیلرکه اقنوم علم کلامه
 در جسد مسیح ایله متحد اولدی وعلی طریق الامتزاج
 تدرع ایلدی صونک خمر ایله امتزاجی کبی عندالملکانیه

شمسك بللور اوزرينه اشراقى كىبى على طريق الاشراق
متعد اولدى عند النسطور به الله دم و لحمه منقلب اولوب
عين مسيح اولدى عند اليعقوبيه لاهوت ناسوتك ظاهر اولدى ملكك
صورة بشرده ظهورى كىبى و بعضيلره كوره لاهوت ناسوت
ايله تركيب ايتدى نفسنك بدنله تركيبى وكذا وكذا بو
عقائدك بطلانى ايسه علم كلامك عقلا وقاعدة اثبات اولمش
اولمغل تفصيل و تحقيق مراد ايدنلر مراجعت ايتسونلر
امّا پروتستانت مذهبك علم كلامده ايراد اولنان اجوبه
واعتراضاته مقابل بو مسئله اسرار الهيدن اولوب عقل
بشرك آنى احاطه دن عاجز اولمستدن غيرى بر جوابى
اولمامغل بو جوابك ارباب عقل و تمميز نظرنك نقدر قيمتى
اوله جفى وارسته بياندر ايمدى حال بويله ايكن پروتستان
علماسنك اشبو تثليث ماده سى مذكور اولمامسنى قرآن
كريمك عدم حقيتنه دايلدر ديو ادعا ايتلمرى بر آفيون
ترياكيسنك فيونجى دكاننه كيدوب آفيون سؤال ايتدكده
بودكانده اويله حسييس شيلر بولنمز بوراده مجوهراته دائر
قيمتلو اشيا بولنور جوابى و برامسى اوزرينه اويله ايسه
سندھ تجار دكلاسك ديمه سنه شبيه بر معنادر غداء الملا
حظانك مبحث ثانيسنده طريق عبادته عطف كلام ايدوب
انكله دين مسيحاك دين محمديه تفوق و رجحانن استدلال

ایتمک ایستر وکویا دین اسلامک اصول عبادتی اوقات معینده و امکانه مخصوصه به متعلق بر طاقم رسومات خارجه و آداب صوریه دن عبارت اولدیغی حالده دین مسیح عبادتک بالروح والصدق ایفاسنی تعلیمدن ظاهره یسه بدل بر ناجی به ایمان کتورمک و تجدید حال و یا خود تولید جدید یعنی تبدیل قلب و تهذیب اخلاق ایتمک اساسی اوزرینه مبتنی قلمیشدر حالبوکه کناشکارارک ایمان کتورمک و تولید جدیده نائل اولدی حقیقده قرآنده بر خبر صحیح صریح وعلم صحیح یوغیش و متی انجیلدن ربک ملکی یوسفه کورینوب سن آنک آدینی عیسی یعنی ناجی تسمیه ایلیه چکسک دیمش ایکن قرآن آنک منجی الہدنبین اولدیغنی پرده سکوت ایلہ ستر ایلدیکی شویلہ طورسون سائر رسوللر کبی آنی پیغمبر پایه سنہ تنزیل ایلمش واقعا انسانک حال حاضری جهل و خطادن عبارت اولسه پیغمبرک ارشادی کفایت ایدر ایسه ده لکن بالطبع انسان جاهل و خاطی اولدیغندن بشقه کناه و شیطانک تحت اسارتندہ و بار تهمت التندہ اولدیغی اجلدن معلم و مندر کافی اولمیوب انسانک دخی روحی باقی اولدیغی صورتده اسارت و تهمتدن نجات ایچون البته بر ناجی به محتاج ایمش وانجیل جلیل نوع بشری

كناه و شيطانك يدتسلطندن بالكز اول منجىء و حيدك
 كندى مبارك قاننى فدا ايتمكله خلاص ايده بيله چكى
 بيورمش ايكن قرآن اول ذاتك صفت ناچيسندن اغماض
 عين ايدوب سيئاتندن نجات بولمق ماده سنى كلمهء توحيد
 و شهادت كتورمك و بر طاقم رسومات و عادات دينيهي
 تماميله ايفا ايتمك اساسنه مبتنى ايلمش انجيل جليل انسانلرى
 توبهء صادق و ناجى الدينين اولان ايمان كامله و مجدد القلوب
 اولان الله تعالى حضرتلرى تحميد و تهجيد و ترغيب و تشويق
 ايلديكى مثللو جميع مواجبى حضرت مسيحك عصر سعادت
 لونده بين اليبود جارى معمول به اولان كافه سنن رسومات
 و عادات ظاهره و صوريه دن معاف و طريق عبادتى معقول
 و مقبول بر طرز اوزره ارائه و بيان بيورمش ايكن قرآن
 تكرار كهالدين عارى و روحانيتدن برى بر دينك مادى
 و ظاهرى اولان مراسم و عاداتنى التزام ايلمش و صلوة و قبله
 و وضوء و حج و صيام كبرى عادات ظاهره نك ليفهء درونه
 تعلقلرى اولمدقلرند نماعدا اجرالونده بعضى كلفت اولد-
 يغندن دين محمدى روى ارضه بولنان هر قومه موافق
 اوله مزمش خلاصهء مقال الله تعالى عباد مذنبينك كناهلرينى
 عفو و آللرنى شيطانندن خلاص ايتمك ايجون ابن و حيد-
 ينك قاننى دوكدورمكدن بشقه چاره بوله مد يغنى قرآن كريمك

تصدیق ایتمامسی منزل من عند الله اولمدیغنه دلیل ایوش
وانده بیان اولمان احکام یالکر عبادات ظاهریه به مقصور
اولوب تبدیل قلب و تهذیب اخلاقه دائر تعلیماتدن عادی
اولمسی و واجبات و فرائض بی لزوم ایمشلر مؤلفک بو اعتراف
ضی کتب اسلامییه به و قوفی اولمامبندن ناشی اولمغله بر
درجه به قدر معذور دور چونکه قوجه راهب واسطه جبریل
ایله حضرت نبی ذیشانه وحی اولنان قرآن کریمی متی یوحنایه
عزو اسناد اولنان بر طاقم رهابینک تعین و تفرد قصدیه
جمع ایلدکوری بر قاچ اوراق بریشانه قیاس ایدوب حقا-
یقندن بی خبر اولدیغی خصوصات اعتراضاته جرأت ایبر
راهب افندی بیلملیدر که قرآن عظیم الشان کلام اللهدر
انده کذب و مذاقه اولمز اکر انده حضرت عیسانک اعتقاد
نصارا اوزره اللهک صلی اوغلی اولوب مخلوقاتنک کناهنی
عقوه بشقه چاره بوله مندبغندن انی مریمک رحمتندن کوندره رک
بر قاچ اراذل یهودک انده زبون و بوزنه توکوره رک
ویوزینه شمار اوره رق چارمیغه اوردقدنصره جهنده
یاقوب ملعون ایتمش کبی هدیانتلر بولنمش اولسه تامیله
انجیللره بکزر والله کلامی اولمقدن چیقار ایدی و برده
راهب مؤلف بر از تفسیر و حدیث کتابلریله الفت ایدوب
انلرده اتخاذ و بیان اولنان اصول و احواله واقفی اولیدی

حضرت عیسانك ناچی الامم اولمسی ایچون متایه منسوب اولان تحریفات کونا کون ایله مملو بولنان بر حکایه کتابنک بولدیغی مبتم المال سوزی محمدیلره قارشو دلیل مقامنده ایراد ایتمکدن حیا اینردی و اکر کتابنک مقدمه سنک دعوا ایتدیکی کبی بی عرض و منصف اولیدی قرآن کریمده بو مقوله خرافات اولنمیدینندن حدت ایدوب کویا اصلی وار ایمشده قرآن آنی کتم ایتمش کبی پرده سکوت ایله ستر ایلدی عبارده بی ادبانه سنی یازمغه جرات ایتمزدی اما انجیل مذکورده بولنان عباریه کلنجه بونده کی ناچی تعبیری علی طریق الاستعاره اولوب حضرت عیسی نبوتی حسبله کنهکاران امتی حقنده اخرتده شفاعت ایدرک انلره وسیله بغات اولمسنندن کنایه در یو فسه کندیسی بالذات وبالفعل ناچی اولمدیغنی و کندیسی عبد عاجز اولوب کافه قدرت و قوت شریک و نظیری اولمیان واجب الوجودک اولدیغنی مکرراً اصحابنک بیان ایلمشدر نته کیم متی انجیلنک یکرمنجی بابنده زبده اوغللری ایچون حضرت عیسی (اسکن صاعمهده صولمده اوتورمق بنم المده دکندر پدرم کیمه تقدیر ایلمش ایسه انلره ویریاور) دیهشدر ویوحنانک بشنجی بابنده حضرت عیسی (بن کندیلکهدن بر شی ایده مم بن ایشتدیکهده

كوره حكيم ايدمه رم بيم حكيم حقد زيرا كندى ارادتم
 دكل انجق بنى ارسال ايدمه نك ارادتمنى طلب ايدرم)
 ديمشدر وينه يوحنا انجيلنك اون دردنجى بابنده (پدرم
 بدن اعظمدر) ديمشدر ايدى بويله سويلين حضرت
 عيسى ايچون الليك ابن وحيدى وعينيدر وقاننى دوكه.
 رك كناهلرى عفو ايتدى ديمك قدر حقى و جهالت وكفر
 وضلالت اولورمى اكر جناب الله عبادمن نيينك كناهنى عفو
 ايتمك مراد بيورير ايسه ابن وحيدىنى دم حيص ايله بسايه
 رك بر خاتوتك صلبندن دنيايه كتورمك و مدت نبوتنده
 بونجه معجزاته قارشو بش اون عجزه دن بشقه بتون بنى
 اسرايئلى اكا خصم ايدوب آنلرك خوفندن شورايه بورايه
 قايغغه محتاج وعاقبت ارذل امم اولان بيوديلره آنى مغلوب
 ايدوب انواع رذالت وحقارتله چارمىخلرده باغره باغره
 اولدرمك ويوده كفايت ايتوب آنى جهنمك اوچ كون احراق
 وفضله اوله رق ملعون ايتمك كى تكلفلره حاجت نه ايدى
 كيمدن قورقوسى وار ايدى وانواع انسان خلقتنده كناه
 و معصيته تخمير اولميشنده مطلقا بويله برناجى به محتاج
 ايسه يا آنك ارسالنده التى بيك سنه مدت جناب الله نيچون
 تاخير ايتدى همان قابله برادر اوله رق كلوب مادامكه قال
 بلك دخى برينى قتل ايتمى مقدر ايشه انك ايله قتل

اولمه‌لی و بو قدر ملیون نفوس جهنمدن و بیچاره قابل دخی
قتلدن قور تولمیلیدی ابن وحید کلمجه یه قدر روی ارضه
کلوب کتمش بونجه صلحاً و خصوصاً مهبط روح القدس
اولمش بونجه انبیا کندیلریتک صنعی اولمیه رق فقط
خلقتارنده مخر اولان معصیت معنویه سببیله بو قدر بیک
سنه لیر جهنملرده معذب اولملری ارحم الراحمین اولان
جناب اللہک عدالت و مرحمتنه توافقی ایدرمی واکر بو
معصیت خلقیه حضرت آدمک شجره منیه دن اکلله ظیوره
کلان ذله سی ایسه آنک جنتدن اخرجی جزای کافی اولمد
بمی یا صکره دن صلبندن کلان اولاد و احفادک صوچی
نر بابانک چرمیله اولاد و انسابنک مجازات کورمسی
قنقی قاتون عدالتک احکامندندر عرصه عالمه بونجه ظالم
وغدارلر کلدی قنقیسنک بویله بر فعلده بولندیغنی قنقی
تاریخ بیان ایتدی جناب ارحم الراحمین بو مقوله لرنده می
اظلمدر بو تقدیرچه ظلامک بر بیوک جهتنه دخی حضرت
عیسای قتل ایدن یهودیلر مظهر اولمش اولوب چونکه
روز جزاده بونلر ججهمه حکم اولندقلرنده یارب مادامکه
سن ابن وحیدک قاننی دوکمدکچه خلق ایتدیکن نوع
نشرک لمیننده کنهای عفو ایده مزدک بو کامبنی آنی دنیا یه
کوندرک بزده سنک بو مرادک خصوله کلامک ایچون آنی

اولدردك و اكر اولدر مسه ايدك بو قدر عالم نجات بوله
 ميه چقلر ايدى بز انجق سنك ارادك يرينى بولهق و خلقى
 جهنمدن قور تارمق ايچون فداى نفس ايدوب قتل فعل
 شفيعى اختيار ايله منفور عالم اولدق بو قدر فدا كارلغه
 مقابل بزه مكافات اولنه چخنه مجازات سنك عدالتكه ياقشيو
 رمى دير لرسه اهل محشر انصاف ايتمز لر مى برده حضرت
 آدم اول نوع بشر اولوب هنوز شيطاننك عداوت و خياله
 نتنى بيلمز و دار النعيمه اويله بر مطرود الهينك دخول
 ايدوبده كندونى اضلال ايدم چكنى خاطره كتورمز ايكن
 تورانده محور اولديغى اوزره شيطان اولاي حوايى انواع
 وساوسله اضلال و اودغى حضرت آدمى اغفال ايدوب
 بيلمز لسكندن بر كوچك كناه صادر اولمش بو كناه نزد الهين
 اعظام اولنه رق يالكز كندوسنه دكل تا ابن وحيدينه كلنجه
 يه قدر اولاد و اخقاندنه سرايتله جمله سنك اهل نار اولمسنى
 استلزام ايلمش و اك صكره ابن وحيد كلوب قاننى دو كمد
 كچه عفو اولنماش ايكن يا تورات و انجيلده قتل و زنا
 كى قطعياً نهى اولنان معصيتلرى ارتكاب ايدن نصار ابر
 پاپانك بش اون غروش آلوب عفو ايتدم ديمسيله يا خود
 الملك اتنى بيوب قاننى ايچرك الله ايله اتحاد ايتمسيله يا
 خود باشنى آچوب كوز لرينى سمايه ديكه ك طور مسيله

هیچ بر حد بیان اولنماغله فاتواک پاپاسلری کناهک جسا-
 مننه کوره بر مبلغ معین الله بق همان عفو ایدر لر لکن
 قرآن کریمده وارد اولان آیات بینات مقتضاسنجه عند الا
 سلام معصیت اوچ نوعدر قسم اولی اکبر کبائر اولان
 شرکدر که بونک عفو کفرندن ندامت ایله اسلامی قبوله
 منحصردر (كقوله تعالى ان الله لا یغفر الله یشرک به
ویغفر ما دون ذلك) یعنی جناب غافر الذنوب کندینه شرک
 فوشمغی مغفرت ایتمز واندن اشاغی اولان کناهلری عفو
 ایدر قسم ثانی مؤمنلر طاعت الهیدن یعنی حدود شرعیه
 دن تجاوزله ارتکاب ایتدکلری معاصیء کبیره در قتل و سر
 قت کبی بونلری مرتکب اولان اهل کبائر مؤمنی کناهی
 مقداری آخر تنده جزا کوروب بعده کندیلرنده اولان نور
 توحید ایله مظهر عفو اولور لر قسم ثالث کبائر دن معدود
 اولمیان معصیتلر اولوب بونلرده ایکی نوع اعتبار اولنور
 نوع اول حقوق الهیه یه تعلق ایدن معاصیدر ترک فرائض
 و واجبات وار تکاب محرمات نفسیه کبی بونلری ارتکاب ایدن
 مؤمنلر توبهء نصح ایله نائب اولدقلرنده جناب غفار الله
 نوب دیلر سه عفو ایدر دیلر سه ایتمز انجق (توبو الی
 الله توبه نوحا وان الله یحب التوابین) مثللو مبشرات
 قرآنیه و حدیث پیغمبریده وارد اولان (التائب من الذ 3

نب کمن لاذنب له) مبشره نبویه ایله استدال اولدیغنه
 کوره مظهر عفو الہی اولمسی اغلب در ونوع ثانی حقوق
 عبادہ متلق اولان معاصیر غصب اموال وظلم عبادکی بو
 نوع معصیتک بولنانلر محکمہ کبرای محشرده خصم ایله بالمحا
 کمه خصم راضی اولمدقجه مظهر عفو الہی اولمیوب جزا
 کوررلر شوقدر که مؤمن اولدقلری حالده کناہلری
 مقدارنجه عذاب اولندقدنصرکه جناب ارحم الراحمین
 تاخصملمرینه راضی اولنجه قدر نعمتلر احسان بیوروب
 انلرک رضالریله عفو الہییه شایان اولورلر ایشته بوندن
 ظاهر اولور که دین محمدیہ معترضک ظن وافترا ایتدیکی
 کبی عفو کناہ یالکز توحیدہ وشہادت وعبادته منحصر
 اولمیوب بلکه رحمت الہیہ یه موقوفدر زیرا دین محمدی
 جناب الہیہ بر مثل ونظیر وشریک ووکیل اثبات ایتمیوب
 آخرتده شفاعت مدنین دخی کندینک اذن واراده سیله
 اوله جغندن اهل اسلام قرآن مبینده اولان آیات مبشراته
 ایمان ایله بین الخوف والرجا منتظر الطاف رب بی همتا
 اولورلر لیکن مسیحیلر قنغی کناہ اولورسه همان پاپاسک
 عفو ایتدم دیمسیلر عفو اولنوب ملکوت الہیہ واصل اولدق
 زعم ایدرلر ایهدی بو یکی اعتقادک قنغیسی موافق
 شایان الوہیت ومطابق آداب عبودیت اولدیغی انصاف

ایل- ملا حظه اولسون غداء الملا حظات مؤلفی یوز
 فرق بشنجی صحیفه سنده قرآن حضرت مسیح نجابتبخشک
 صفت ناجیانه سندن اعماض عین ایله آتی بر پیغمبر
 محض درجه سنه تنزیل ایلدیکندن ماعدا گرفتار رقبه آسا
 رة معنویه اولان انسانی بر طاقم وسائل ظاهریه یه دلالت
 و امر نجاتنی حضرت عیسی المسیح کبی سماوی پدرینک
 مرادینی اجرا ایچون جانتی سور یسی اوغورینه فدا ایدن
 بر ذات دکل الا اهل سبرک شهادتیله کندوسنک حفظ
 جان و اجرای مرامی ایچون سائر لرینک کندوسننه فدا اولمسنه
 راضی اولان بر ذاته تعلیق ایلمشدرا (انتهی) انسانک
 رقبه آساره معنویه پر و تستانتلرک مؤخرآ تصنیع ایلدیگری
 تعبیرات غربیه دن اولوب انا جیلده بویل بر عباره اولمد
 یغندن حلنه اتعاب ذهن ایتمک عبشر و دین محمدی انسان-
 نک یالکز وسائل ظاهریه یه دلالت ایتیموب نیجه اسباب
 باطنیه یه دخی سوق ایلدی (یوم لایمنع مال ولا بنون الا
 من آتی الله بقلب سلیم) یعنی یوم قیامتده مال و اولاد
 منفعت ویرمز انجق تصفیله اولنمش قلب سلیم ایلله الله
 کن مظهر نجات اولور آیت کریمه سی کبی نیجه آیات
 کریمه ایله مستدل اولدیغندن مؤلفک کذب یا خود جهلی
 ظاهر در و حضرت مسیحک دخی سماوی پدرینک مراد

یمنی اجرا ایچون جاننی سورسی اوغرینه قربان ایتند
 یکمی ینه انجیللرک شهادتلی اوزره آنفا ذکر و بیان
 اولنمشدی یعنی قبل الصلب اولم درجه سنده اضطرابه
 دوشوب ویره قپانوب ای پدر بو کلمه نك بندن کچمسی
 چکن ایسه کچسون دیو جناب اللیه یلوارمسی ودها
 اولجه یهودیلرک سوء قصدینی درک ایدرک قاچوب کیز
 لنمسی ویرینک کیمسه یه خبر ویرلنمسی ایچون اصحا-
 بنه تنبیه ایلمسی و صکره دن صلیب اوزرنده یارب یارب
 نیچون بنی ترک ایتدک دیو فریاد ایتمسی کبی دلائل
 بدیهیه ایله حضرت مسیحک صلیبی اختیاریله اولمدیغی
 تبیین ایتمشدی و سائر لرک کندوسنه فدا اولمسنه راضی
 اولان تعبیریله مؤلف مومی الیه ایله هجرتده حضرت
 علینک فراش جناب نبویده اشاره وزیر صحیفه ده شرح
 ایدوب بونکله حضرت مسیحک بنی آخر الزمانه رحجاننی
 کوستر مک ایسته مش و حقیقتده کندی مقصدی علیهنده
 بر دلیل کتور مشدر چونکه مؤلف مومی الیه رساله سنک
 یکر می طقوزنجی صحیفه سنده حضرت مسیح بنی اسرا
 ئیل اره سنده ظهور ایدوب منزلنی مهیا بولدیغنی بیان
 ایتدکن صکره یوز اون ایکنجی صحیفه سندن یوز اون
 اوچنجی صحیفه یه قدر قوم عربک بت پرست اولوب

قبول دینه مهیا اولمقلرینی اثباته سعی ایتمش ایدی بنی
اسرائیل جناب موسادن نیجه معجزات کوردکاری حالده
کونا کون آیرلمق ایله جهلهسی بوزاغی یه طاپندیلر وحضرت
عیسا دخی قبول هدایتنه متوع بولنان بو قومک ارهسند
ظهور ایدوب منزلنی مهیا بولدیغی حالده بوقدر معجزات
کوسترمش اولدیغنه مقابل بش اون ارایله سرعدن قور
تلمش بر قاچ عورتدن بشقه کیمسه کندینه ایمان ایتدی
وزعم نصارا اوزره اکا ایمان ایدنلر الو هیتنی تصدیق
ایلمش ایکن وجناب عیسی انلری ایمان تام وتوکلهرغیب
ایله ذره قدر ایمانکز اولسه طاغی یرندن قالدیر یرسکز
دیهرك تآمین وصلبندن برفاچ کون مقدم
خاصه خطاب ابله سزک ایچکزدن بریکز بنم
ایچون جاننی فدا ایلسه حیات ابدیه یه مظهر اولوردیو
تبشیر ایتمش ایکن انلردن بریسی بو امره انقیاد ایلمیوب
خصوصا نبوت رتبهسنه حائز اولان خواص اصحابندن ییودا
جان فدا ایتمک شوپله طورسون بلکه ییودیلردن اوتوز
مثقال رشوت الوب اللقی تسلیم ایلدی و نبوت رتبهسنک
بولنان جمله شاگردان حضرت عیسی طوتلقدده اطرافندان
طاغیلوب قاچدیلر وجهله سنک سرفرازی اولان قوجه بطر
وس مقدماسنک حقنده بکا عارضه اشتباه کلمز دیو حضرت

مسیحہ قارشو یمین ایتمش ایکن اول قاریش قلمق آره سنه
 عیسایی کوتور یرئر ایکن اوزافدان کیدوب فقط بر خر-
 وس اوتنجه دک اوچ کره ایمان غلبطه ایله عیسایی انکار
 ایلدی اما دین قبولنه غیر مستعد اولان قوم عربدن
 اولوب حضرت بنی ذیشانک فقط نبوت و عبودیتنی تصدیق
 ایدن خواص اصحاب کرامک هر بری دین مبین اوغورینه
 جان و ماللرینی فدا ایلدیلر و الله تعالی اعلم حضرت
 پیغمبرک لیلئ هجرتده جناب علی یه بو فدا کارلغی تکلیفدن
 مقصد دخی بر کون کلورده عنده نصارا نیچون بنی آخرا لر
 مان قبول دینه متئی^۶ بر قومدن ظیور ایتدی دیه رک
 اعتراض ایدر لر سه انده قیامتہ دک دلیل اسکات اولمق
 و دین اسلام یالکز اسباب ظاهر یه و قوه قاهره ایله منتشر
 اولدی دیانلره مقابل حواریون ایله اصحاب کزینک احوالی
 مقایسه ایدلنجه بر عبرت عالیله معترضین و مخصوصینی
 سر بز مین حجاب ایتمک ایچون جمله معجزات نبویه دن
 اوله رق اصحابندن برینی اول و جمله امتحان بیور مش
 اولملری دخی وارد خاطر اولور پروتستان راهبلیری
 نشر ایتدکاری اعتراضات صره سنده دیرلر که انجیل جلیل
 جمیع مؤمنینی حضرت مسیحک عصر سعادتلرنده بین الیهود
 جاری و معمول به اولان کافئ سنن و رسومات و عادات ظا

هرید و صوریه دن معارف و طریق عبادتی معقول و مقبول
 بر طرز اوزره ارائه و بیان بیورمش ایکن قرآن تکرار
 کمالدن عاریدر و روحانیتدن بری بر دینک مادی و ظا
 هری اولان مراسم و عاداتنی التزام ایلمشدر. ایهدی
 اکر انجیل عصر مسیحده جاری اولان کافه سنن و رسو
 مات و عادات صوریه دن مؤمنی معاف ایتمش ایسه حضرت
 عیسانک بن شریعتی ابطاله کلمدم بلکه ا کماله کادم زیرا
 بر ایله کوک زائل اولمدیچه شریعتدن بر حرف و یا خود
 بر نقطه تا جمله سی اتمام اولنجه دکین زائل اولمز متاناک
 بشنجی بابنده بیورمنسک معناسی ندر و کندیسسی دین مو
 سوی اوزره نیچون ختان اولمش و سبب ندرکه آخر عمر
 ینه قدر شریعت اسرائیلیه ده معین اولان بیراملری تمامیه
 اجرا ایتمش وندن طولایی بنی اسرائیل ایله سبقت ایدن
 معارضانده انلری احکام موسویه اوزره عامل اولماملرنندن
 ناشی تعزیر ایلمشدر بوندن معلوم اولورکه پروتستانت
 انلرک بو ادعایری تمامیه احکام انجیل و اوامر مسیحده
 مغایر در قرآن کریمک کمال و روحانیتدن عاری اولمدیق
 و بر دینک ظاهری اولان

مراسمنی التزام ایتویان روحانیتدن دخی غاری اوله جفی
 تفصیلات آتیه دن مستبان اولور چونکه بونلر مقام اعتراضه

جمله دن اوله سئله طهارتی مدف تعریض ایدوب دیرلرکه
 اکر وضوء خلقک نظافت و طهارت بدنیهارینک فوائده مسابه
 سی مقصدینه مبنی اولمش اولسه بر شی دینله مزدی اما
 اکر الله تعالی به عرض اولنان عبادتتارک صحتی اعمال
 مذکوریه موقوف و مشروط اولوب وضو سز نماز مقبول
 درگاه الهی اولمزسه بوراسی جای ملاحظه در چونکه نورا
 تده (رب آدم باقدیغی کبی باقمز زبرا آدم ظاهره رب
 قلبه باقر) دینلمش اولدیغندن نماز دن اول ابدست آلمق
 تصفیة قلبک بر رمزی اولوب حقیقت نمازه بر تأثیری
 یاخود صحت و قبولنه بر فائدهسی اوله مدبغی اکلاشیلور
 بو حالک قرآن عبادته مقتضی اولان خلوس و حضور معنوی
 به هیچ بر فائدهسی اولمیان رسوم و عادات اوزرینه وضع
 ایتمش اولور و برده اللربینی و آیاقلربینی بیقائمق مالک
 حاره بادیه نشینلرندن بولنان یالین آیاق کزنلره مفید
 و مقبول ایسه ده زیاده مدنی و نازک اندام اولوب برودت
 اقلیملری جهتیله آیاقلری چوراب و پاپوش ایله محفوظ بولنا-
 نلرده عادت مذکوره پک چوق مضر و مخل صحت بر مجبو
 ریتدر. و با خصوص اراضی شمال اهالیسنه کونده بش
 دفعه بوزاری قیروب بیقائمق نقدر مشقت و مخل صحتدر
 ونه درجه مغایر عدل و حقانیتدر.

واستقبال قبله دخی اسرائیلہ تقلید در معلوم اولکه
 دین مبین محمدی اکمل واتم شرایع یعنی ظاهر و باطنی جامع
 بر طریق توحید و نافع اولیقله انده نوع بشره مضرت
 ایلاچک بر حکم یوقدر و هر حکمی انسانار ایچون صوری
 و معنوی نیجه فوائده شاملدر و شریعت احمدیه نك من قبل
 الرحمن کوندرلدیکنه بر دلیل صریحه بودرکه انده نقدر
 ظاهری و صوری کورینان احکام وار ایسه هر بری بر
 نیجه معنای حقیقت و نوع بشر ایچون کونا کون فوائده
 و منفعت اوزره مبتنیدر واقعا عمای چهل ایله بسته چشم
 اولنلر بو حقائق ادراک ایده میوب بالکز صورته نظر
 ایدرلر بونلر (و من کان فی هذه اعمی فهو فی الاخرة
 اعمی) سرینه مظهر اولمشلدر شرعیك عامل اولنلر آخر-
 نده بوسبتون محروم اولمیوب درجه اخلاصلرینه کوره
 مکافات کورولر اما کوزلری نور عرفان ایله آچلمش
 و مراتب ادراک جبلیلری نسبتنده اول نعمت عالم شمول
 الیه دن مرزوق اولمش اولنلر ایچون آخرتده موعود
 اولان درجات عالیله نیجه ایات قرآنیله بیان بیورامشدر
 بو حالده ارباب تحقیق و عرفانه لازم اولان شرع شریفک
 امر ایلدیکی اعمال ظاهریه تومسکله برابر احکام باطنیه سنی
 دخی کشف و تجسس دن خالی اولماق و پیک چوق کتب

تفسیر واحادیث مطالعه سبیل برابر علمای اهل تحقیق
 کتابارینه دخی مراجعت و تصفیة باطن یولنی کو سترن طرق
 علیه انتسابه مراجعت ایلهک لازمدر بعض مفسرین بیاننه
 کوره وضوء و طهارت معترضک اعتراف و تسلیمی کبی ظاهرأ
 صحت بدنجه نیجه فوائدی مستلزم اولدیغی کبی معنا دخی
 تصفیة قلبک برر مزیدر و صلوة دیوان الهی اولمخله حضور باری
 به چیقلمده تصفیة قلبک لزوم و مشروطیتی ایسه بدیبیدر
 زیر اقلب ناپاک ایله حضور ربانی به چقلمز نته کیم ظاهر ده دخی
 آلوده اوساخ اولان بر شخص دیوان پادشا هی به رخصت
 دخول بوله مز بوندن عیان او اور که معترضک ظن ابتدیکی
 کبی وضوء و طهارت حضور و خلوص معنوی ایچون فائده
 سز دکلدن و قرآن کریم پی فائده رسوم و عادات اوزرینه وضع
 اساس ایتمامشدر امامنی و نازک اندام اولانلر و شمال اها لیسند
 ن بولنانلر ابدست الحق ایستد کلر نده یا لکن صبا حلین صیجا ق
 صوابله بالتوضوء چوراب و مستلرینی کیرلر و دیگر درت
 وقتده و یا خود ابدستنی و قایه ایده بیل چکنه کوره ایکی و یا اوچ
 وقتده مست اوزرندن مسح ایده بیلور کونده بشر دفعه بوز
 فیر مغه هیچ حاجت یوقدر و بونکله دخی صحتده خلل کلهز و اگر
 بر کمسه نک و چودی مریض اولورده بویله تحملرده آبدست الحق
 کندنجه موجب تهلکه اولور ایسه نسیم دخی ایده بیلور چونکه

اصل مقصد مجرد ال و یوز و ایاق یبقامق او ایوب بلکه تصفیة
 درون اولمغل اوله ضرورت محملارنده دین اسلام قطعاً کوجلك
 تکلیف ایتمز نته کیم حدیث شریفده (لا اخرج فی الدین) بیور
 لمشدر یعنی دین اسلامده کوجلك یوقدر قرآن کریمده (
 لا یکفی الله نفساً الا وسعها) وارد اولمشدر یعنی جناب الله بر
 نفسه کوجی یته بیل، جکنی تکلیف ایلار کوجی یتدیکنی تکلیف
 ایتمز و بوبابده عدالت و حقیقت ارا نیله حق اولور سه چونکه
 (افضل الاعمال احزها) حدیث شریفی موجنبجه عند الله اعمالک
 افضلی نفسه کز یاده زحمتلی اولاندر آنک ایچون ایمان کامل
 صاحبی اولانلر تحصیل رضای باری و شوق حب الی ایچون هوای
 نفسلرینه موافق کلمیان بعض زحمتلری احتیاریله آخرتده
 زیاده درجانه نائل اولمغی عین عدالت و حقیقت اتخاذایدر لر
 واقعا بالکز باشنی آچوب کوزینی سمایه دیکرک نیاز ایدرک
 و طهارت بدنیده چوقلق ایلمشمامک ملوٹ طونله کز مک وقوند
 بره اریله کلیسایه کیدوب ایستدیکی قدر یللمنمک و فقط برلقمه
 اتمکله بریوتم شرابی جسمنه ادخال ایدرک الله ایلهمان برلشی
 و برمک کبی صور و رسومات مجرده یه الشمس و بور رسومات
 عادیهی وسیله تصفیة قلب ظن ایتمش اولنلر ایچون فرائض
 اسلامیه نک حقایقنی ا کلمق پک اوز قدر هل طهارت بدنییه رسومات
 عادیه دن و تصفیة باطنیهی مهمه دن عدایدن معترضک بوکره

صر تنده کی قولاً کو ملک و ایاغنده کی اوتولی پانظلون چیفار
یلورسه ظاهر و باطنندن قنغیسنده زیاده طهارت و صفوت
اولدیغی ظاهر اولور.

اعتراضات رهابیندن بری دخی صلوة در دیرلرکه
تکبیر و قیام و رکوع و سجود دخی غیر روحانی و ظاهر
یدر دوشونمز لر که مادی و معنوی جناب معبوده عبادتدن
مقصودندر بو مبحثده عامه محققینک بیانی شویله در که هر نه
صورت ایله اولور ایسه اولسون خالق معبوده عبادت
تعظیم و الطافی بی نهایته الیه سندن طولایی حمد و ثنا
و کندی عجز و مسکنتنی اعتراف ایله رحمت الیه بی نیاز
دن عبارتدر ایهدی اسباب تعظیمی تفضص ایتدی کمزده ار
کان صلوة دن قیامده اللر قاوشدیر یلوب حضور و خشوع
ایله حضور باری یه چیقهدق و بسمله و سورۀ فاتحه ایله حمد
و ثنا ایتهدک و رکوع و سجودده حضرت واجب الوجودی
تسبیح و هر حرکتده الله اکبر جمله تکبیر یه سیله شان
جلیل کبریایی تلیل ایلمک معبوده تعظیم دکامیدر و استقبال
قبله دخی بر مدت انبیای بنی اسرائیل سنتلری اوزره
بیت المقدس جانبنه ایکن مؤخرأ کعبه الله بنای ابراهیم و بیت
عتیق جناب رب رحیم اولمغله (فول و جهک شطر المسجد
الحرام) امر الیهسی ایله اول طرفه تحویل قبله بیوردی

دین اسلامده شریعت موسی دن ابقا قلنان دها نیجه احکام
 واردر ذبح قربان حتان لحم خنزیر ومیتہ دن زنا و قتلدن
 اجتناب و فصاص و سائرہ کبی اکر چه شمدی میدانک اولان
 مسیحیتده حضرت عیسانک خلاف امری اوله رق شریعت
 موسی دن اکثریسی تبدیل و تعریف اولنش ایسه ده
 زندان قتلدن نچی واستقبال قبله کبی بر طاقم احکام اسرا
 ئیلیه الیوم مسیحیونده دخی باقیدر و خصوصا غرائبدن
 اوله رق حکمیله عامل اولمقلری توراتک کافه احکامی مصدق
 و معتبردر اما لوتر نامنده وبش مجهول پا پاس بیشیوز
 تاریخلرنده چیقوب قبله بی لغو ایتمشلر ایسه ده آنک نه
 اهمیتی اوله بیلور سائر نیجه ملیون خرستیان حالا قبله بی
 شرقه توجه ایدرلر هیچ بریسی پروتستانلرک لغو یاتنه
 قولاق اصمزلر و چونکه عبادتدن مقصد اصلی جناب حقہ
 تعظیم ایله حمد و ثنا و تضرع واستدعادن عبارتدر حضور
 قلب ایله بر جهت معینه یه توجه ایله عبادت ایتمکده مخل
 تعظیم نه تصور اولنه بیلور بلکه جهت معین اولنجه
 حضور قلبه دها زیاده مداری اولور شمدی بر کره ده
 پروتستانلرک عبادتلرینه بقالم بونلرک خلاصه عبارتلری
 ارکک قادین معنس طونلریله طوپلانوب باشلری آچیق
 اوله رق پاپاسک قودیغی انجیلی کویادیکلرلر و قیام ورکوع

وسجود كبی اداب عبادت اولمیوب یالكز بر برینك
 یوزارینه بقارلز وهله كنج اوغلانلر ایله قیزلر هر نقدر
 كوز زناسندن نهی اولنمش ایسه ده بر برلر
 نندن كوزلرینی آیرمزلر بعده پاپاسك او قودییغی
 اتمك پارچه سنی حضرت عیسانك الملهك عین لحمی وشرابی
 دخی عین قانی دیهرك ییوب ایچوب روح القدس ایله همان
 اتحاد ایدرلر ایمدی عبادتدن مقصد جناب خالقه تعظیم
 ایسه بو ایکی صورتك قنغیسنده بولنور دین اسلامده
 نمازدن اول اذان او قنور واقامت اولنور مؤذن باند
 اواز ایله الله اكبر الله اكر اشهد ان لا اله الا الله واشهد
 ان محمداً رسول الله حی علی الصلوة حی علی الفلاح الله
 اكبر الله اكر لا اله الا الله یعنی الله تعالی پك بیو كدر
 پك بیو كدر بن شهادت ایدهر مكه الله عظیم الشاندن
 غیرى عبادته مستحق اله ومعبود یوقدر وحضرت محمد
 آنك رسولیدر صلوته كلین نجات وسلامته كلین الله تعالی
 حضرتلری پك بیو كدر الله تعالی دن ماعدا عبادته مستحق
 بر اله یوقدر دیو مؤمنینی نمازه دعوت ایدر نصارادخی
 کلیسایه دعوتلرنده چان تغبیر اولنور چالغی چلارلر عجا
 بو ایکیسنك قنغیسی جناب واجب الوجوده تعظیم وروحا
 نیدر بعده نمازه شر وعلرنندن اول صلاتك موقوف علیهیسی

اولان شروط سته که اولکیسی حدثن طهارتکه اعضاً
وضوئی کوز لجه ییقامق ایکنجیسی نجاستدن طهارتکه بدننی
والبسه سنی و نماز قلدیقی محلی نجاستدن تطهیر و تنظیف
ایتمک اوچنچیسی استقبال قبله که که کعبه مکر مه جانبنه
متوجه اولوق دردنچیسی ستر عورت که کړک رجال
و کړک نسوان حین صلاتده شرعک بیان ایتدیکی محل
عورتی ستر ایتمک بشنجی وقت که هر بر ملتک بعضی
عبادتلرنده وقت معینه اولدیغی کپی صلوة مسلمینده دخی
جناب حق اوقات معینه تخصیص بیور مشدر التنجیسی
نیت در که قلدیقی نمازک بر غرضه مبنی اولمیوب انجق
رضای الهی ایچون اولدیغنی قصر ایتمکر ایمدی کلیسا
درونارینه هر کس قوندره لر یله و البسه غیر طاهره
و اعضای ملوثة لر یله کلامک و برجهت مخصوصه توجهل حضور
قلب التزام اولنمیوب هر کس بر برینه کوز قاش ایله
اشارت لر ایتمک وقادینلر الطف حلیاتلر یله تزیین ایدوب
وسینه صافی ودوش و بنا کوش شفاقلرینی آچوب عرض
حسن و جمال ایتمک و عبادتدن زیاده محبوب و محبوبه
سیر و تماشاسی نیتیله کلیسایه کتمک ایله برده محمدیلرک
شروط مذکورسی معاینه و تطبیق اولندقدنه فنجیسی
دعا روحانی و عبادته مناسب اولدیغی بللو اولور شهیدی

ارکان صلوة نه اولديغنى بيان اينك لم بر مسلم نماز ه داخل
 اولور كن ابتدا اللارينى قالديره رقى ماسوى اللهى كيرويه
 اتوب حضور قلب ايله ديوان الهيمه چيقديغنى تخطرله
 (الله اكبر) ديركه معناسى الله تعالى حضرتلى هر شىء
 يعنى ذهنه كلان صور و خيالندن هر نه كونه تعبير كمال ايله
 وصف ايدلسه اندن پك بيموكر ديموكر ثانيا كمال خشوع
 و ادب له حضور عقده اللارينى باغليوب طورر ثالثا الله تعالىنك
 اسم شريفيله فاتحه شريفى قرائت ايدركه معناسى آنفا
 بيان اولديغى وجهله چناب حقه حمد و ثنا و تعظيمات چناب
 كبريا ايله هدايت و سلامت ايچون دعادر رابعا سر فر
 و برده ركوع اولوب سبحان ربي العظيم ديركه معناسى
 جمله دن عظيم اولان ربهى عيب و نقصان و ير ن جبيع صفتلر
 دن منز و مقدس بيلورم ديموكر خامسا زمينه وضع چيبن
 تضرع و ابتهال ايله سجده ايدوب سبحان ربي الاعلى ديركه
 جمله دن اعلا اولان ربهى جمله اوصاف ناقصه دن منز و مقدس
 بيلورم ديموكر دين اسلامده ركوع و سجود ايله تعظيم
 انجق واجب الوجوده مخصوص اولوب بر بشر حقنده اجرا
 سى جائز دكلر زيرا انسان نسه كبرا و اشراق مخلوقات
 چناب خدا اولوب خلقه هيچ برينك آخرندن فرقى يوقدر
 و مراتب صوريه ايسه انسانك ماهيتنى تغيير اينك مزبورينى

بیره فویه رقی تعظیم ایتماک کشی کنندی ذلتنی و تعظیم
 ایندیکی ذاتک رفعت و علوشاننی اعتراف ایتماکدر بویله
 بر تعظیم ایسه منعم حقیقی اولان جناب خالق کائناتندن
 بشقه سنه لائق دکلر حتی بو مثللو تعظیمات شویله
 طورسون حضرت بنی ذیشان افندیوز اصحاب کرامنی
 کنندی کلدکچه قیام ایتکدن نهی بیورمشیدی صکره
 مجلسه او طرمیوب لای علی التعیین اصحابی آره سنه او طور
 دقلرندن کنندی طانیمیانلردن مجلسه کلنلر آنی بیلمیوب
 حضرت رسول قنقیسیدر دیو سؤال ایدر لر دی جناب
 پیغمبر بو وجهله حرکت ایدنجه سائر عجزه ناس تصور
 اولنیلیدر خامسأباشنی سجده دن فالدیروب قعدده التحیات
 لله والصلوات والطیبات السلام علیک ایها النبی ورحمة الله
 وبرکاته السلام علینا وعلی عبادالله الصالحین اشهد ان لا اله الا
 الله وشهد ان محمدا عبده ورسوله او قور یعنی تعظیمات
 و تکریمات عبادات جناب الله مخصوصدر وای بنی ذیشان
 سلامت واللهم رحمة وبرکاتی سنک اوزریکه وسلامت
 بزم اوزریزه وبتون صالح قوللر اوزرینه اولسون
 بن شهادت ایدر مکه اللهدن غیری عبادت ایدوب طایه
 جق ال یوقدر و حضرت محمد اللهم قولی وحق رسولیدر
 اشته محمد یلرک بش وقتده اداسیله مکلف اولدقلری صلوة 4

مفروضه نك ار كائى بودر اكر پيه هر پيمبير صلوة ايله
 مأمور اولدى ايسده اشبو هيئت اديبه واركان تعظيميه
 ايله صلوة انجق حضرت بنى آخر الزمانه امر واحسان
 بيورلدى ايدى بونلرده الله تعالى نك شان الوهيتنه نقيصه
 يرير و نخل تعظيم هر شى وارميدر نه عربيدر كه دين
 محمد نك شو اركان اوزره اولان عبادتنى روحانى دكلدر
 صوريدر ادعاسنى درميان ايدن پروتستانلرك و افتيز
 و ذبيحه و فرائط انجيلدن ماعدا اركان عبادتلىر يوقدر
 صلوة اسلام روحانى دكلمشده بونلر روحانى ايدش
 و افتيز كه قعيميدر مدة عمر نده حضرت عيسا كيمه سدى
 تعميم ايتيدى و تعميم ايدك دخى ديدى بونده روحانيته
 دائر هر معنى حسن اولنمز ذبيحه كه عشاء ربانيدر بونك
 تفصيلانى بالاده مرور ايلدى فرأت انجيل دخى روحانى
 اوله من زيرا بو انجيللر حضرت عيسايه انزال بيوريلان
 كتاب مقدس اوله يوب بلكه مجمول الاصل اشخاصك مؤ-
 لفاتيدر پروتستانلر فرض حجه دخى اعتراض ايدوب دير
 ار كه بو عادت ابتدا يهوديلرك سكينه العهدى و مؤخرأ
 سنه ده اوچ دفعه قدس شريفده واقع بيت المقدس زيارت
 ايتيك عادتلرينه مشابيدر زيرا الله تعالى اول مقام مقد-
 سده تجلى بيوره جفنى وعد ايتمشدى لىكن مؤخرأ قوم

مرفوم جنایات واقعه لر نندن ناشی مظهر مجازات تباری او-
اولوب منقرض الحكومت اولدقلر نده جناب حق معنای
هیکل قدس اولان جناب مسیحك جسدینی کندوسنه بیت الله
تخصیص و اول واسطه ایله ابنای بشره عرض بیوروب
مؤمنی دخی مظهر تأییدات روح القدس اینرک هربری
برر بیت الله الحی اولوق عنایت ربانیسنه نائل اولدیلر
چونکه بیت المقدس بو واقع اولان احوالك یالکز برر
مزی اولغنه جلال اللوه تجلی گاه مخصوص اولوق اوزره
آرتق انسان ایله بنا اولشر بر خانهك تکرار انتخابی
حکمت بالغه الیهین مأمول اولنده دیغندن انجیلده بو کبی
بر محل زیارتك تعییننه حاجت کورلما مشدر و حضرت
مسیحك اول ساعت کلورکه پدرنه بو طاعتده ونده
اورشایهك سچن قیله جقسکز لکن حق اوزره سچن قیلانلر
بالروح والصدق پدره سچن قیله لر زیرا پدر دخی کند-
ینه بویله سچده قیلانلری طلب ایدر دیو محور بولنان کلام
الی آبر الزمان قائم ودائم اولوق کر کدر اییدی قضیه
بویله ایکن تکرار مطای عموم اولوق اوزره ظاهری بر
خانه و بر کتاب متناهیة الهیهك امکان وصولنی یالکز اول
مکانه تخصیص و خالق آنگ زیارتنه ترغیب و تحریر
ایدرسه خرستیان دیننك مرتبه اعلا و روحانیتنه نسبتلهك

ادنا بر درجه‌یه تنزل و تکرار اصول عتیقه اوزره ظاهری
 و صوری ملغی اولان بر عادتته مراجعت ایتمش اولور و
 اعتراض بالوجوه مجروحدر اولا جناب مسیحک جسدی
 هیکل قدسک معناسی اولدیغی فنغی انجیلک قنغی آیتندن
 استنباط اولنمش ایسه آئی بیان ایتمک لازمکوردی چونکه
 بش اون آلتون معاشله نشر خرافاته مأمور ایدیلان بر
 پاپاسک رأی خودی قانون دین اوله میه جغی بدبهدر ثا-
 نیاً بو معنائک غلط اولدیغی اناجیلده محرر اولدیغی اوزره
 حضرت عیسانک مدت عمر نک هیکل قدس زیارتنه کتہسی و حتی
 آنک ایچنک صاتیجیلری قوغوب تطہیرہ سعی ایتہسی ایله ثابتدر
 هیکل قدسک حکمی اولمیوب کندیسی آنک معناسی اولسه
 ایدی آنک زیارتنه دوام و تطہیرینہ اقدام ایتمزدی و شاکر
 دارینہ دخی آرتق سز بو هیکله اعتبار ایتہیک آنک معنا
 سی بنم سزکده هر بریکز برر برر بیت الله الحیسکر
 دیر ایدی ثالثا هیکلک حرابند نصکره بر حانه نک تکرار
 انتخابی حکمت الہیہ دن نیچون مأمول اولنسون اهل اسلام
 اعتقادنده جناب اللہک شریک و نظیر ی یوقدر فعال لمایر
 یددر بر وقت بیت المقدس قبله کوسترر بر زمانده کعبه
 مکرمہ ی قبله قیلار اکاکیم قاریشور اما انجیلده بو کبی
 بر محل زیارتک تخصیص اولنمدیغنه سبب آره نورسه

انجيللارك يازلدیغی ائئاده بتون ملت عیسویه شریعت موسویه ایله عامل اولدقلرندن حواریون وانلارك شاگردانی بالجهله هیكل مقدسی زیارت بیلدکاری ایچون در رابعاً جناب الله برکات نامتناهیة سنك امکان وصولنی یالکز اول مکانه تخصیص ایتندی بو سوز پاپاسك تأیید مدعا حرصیله کند ولکدن ترتیب واسناد ایتدیکی بر افترا در برکات الهیه نك امکان وصولی زیارت کعبه یه مخصوصدر مألنده قرآن کریمده واحادیث صحیحهدده بر خبر ور ایسه بیان ایلسون خامسا خلقی انك زیارتنه ترغیب و تحریض دخی مطلوب اولمیبو استطاعت شرطیله مقید در پاپاسك بو فقره ده دخی غرض و بیئتانی آشکاردر سادسا خرستیانلغك مرتبه اعلا و روحانیتنه نسبتله اك ادنا بر درجه یه تنزلی دخی لازمکلز زیر انجيللرده عیسانك بیت الله اولدیغنی مشعر بر آیت یوقدر بو سهیله علمویت و روحانیت یالکز پاپاسك خیالنده قالور سابعا صوری وملغی بر عادتته مراجعت دخی یوقدر چونکه دین مسیحده زیارت هیكل لغو اولنهامشدی وکرك دین مسیحده وکرك شریعت محمدیهده احکام سالفه نك نیجه لری باقیدر بونلرك باقی اولمسی دین موسوی یه مراجعت دکلدن اما مناسك حجك نه اولدیغنی بیلیمه رك عبادت صوریه در دیهك جهلنی میدانه قویمقدر حجك

آداب ظاهریه سی بر کیمسه حجه نیت ایلدکده هر
 شیدن اول خلوص ایله توبه ایتیلی واوزرنده حقوق
 ناس و امانت وار ایسه رد ایلهلی کیدوب کلنجه قدر
 متعلقاتنک محتاج اولدیغی نفقه یی خاضرلمق وکندینک عز
 یمت وعودتنه مقتضی اولان آنچه یی مال حلالدن اوله رق
 استصحاب ایتدک واصحاب خیر وصلاحدن رفیقلمق اتخاذا
 وانلردن خلقا احسن و اوفق اولان کیمسه ایسه آنی بینار
 نده امین نصب ایدوب آنک تدبیرینه مخالفت ایتماکدر
 و فرائض حجدن بری احرامدرکه مکئه مکرمه یه تقرب
 اولندقدنه موافق معلومه ده حجاج لباسلرینی براغوب یالکن
 بر احرامه بورینورلر یعنی نقاط ماسوادن تعری و عرض
 حشره کیدر کبی بای وکدایر فرق یالین باشی قباق
 کیدر.

ایکنچیمسی دخی کعبه مکرمه یی حضرت ابراهیم
 واسماعیل علیهما السلامک سنت شریفی اوزره طواف
 ایدرک الله تعالیمنک ورسولینک تعلیم ایتدیکنی دعالمی
 او قومق و اوقونان دعالمک معنای شریفه سی اللد تعالی
 یه کمال درجه تعظیم ایدرک رحمتنی طلبدن عبار-
 تدر اوچنچیمسی کبائر وصغائر وملوک و فقرا بالجمله

برهنه پاوسر ارقد لرنده بر احرام اولدیغی حالده
 اهل محشره مشابه بر هیتمده ایکندیدن اخشامه قدر
 منتظر رحمت رحمان اولورلر ولیمک اللهم لبیک اللهم
 لبیک لا شریک لک لبیک ان الحمد والنعمه لک والملك لاشر
 یکن دیو مرة بعد اخری سکسان یوز بیک کشی بر اغز
 دن دعا ایدرلر یعنی ای ذات واجب الوجود سنک
 امر شریفکه امتثال واراده الهیه که اطاعت ایدرم
 سنک شریک ونظیرک یوقدر جهت معنویه ده کلند کده ارباب
 تحقیق هر بر نسک حج ایچون نیجه معانی بیان ایتمشلردر
 ملل قدیهده خلقندن انقطاع ایله انس بالله ایچون
 طاغلرده تجرد ایدیلردی جناب اللہ امت محمدیه بور
 هبانیتمی امر ایتمیوب اکابدل جمعی امر ایتمشدر حج
 ایدن کسنه نک ذهنی تجارت مثللو مشاغل دنیویه دن
 خالی اولوب صرف طاعة اللہه منحصر ریا وسعیه دن
 ازاده اولوق واهل ووطنندن خروج ایله بوادی
 وصحاری یه دوشد کده موت دنیادن چیقوب میقات
 قیامتی وما بیننده کی احوالی تحظر وصور یونوب احرا
 مه کیرد کده اصل قیافتمه بکتر مز بر شکلده کفیله حضور
 باری تعالی یه کتدیکنی تذکر ایتکم واثنای تلبیه ده
 رجای قبول وخوف وعدم قبول ایله استدعای رحمت

ومغفرت ایلمک وحرم شریفه وصولنده مستحیرک ذمتی
 ضایع اولمیه جفی وحق زائر مرعن اولدیغی جهنله
 عقوبت الهیه دن امان دیله مک واستلام حججده طاعت
 الهیه ده دائم اولوق اوزره بیعت ایتدیکنی و بو عهده
 وفا ایده چکنی واستار کعبه یه تعلق ایتد کده بر مبر
 مک ولی نعمتنه و بر عاشقن معشوقنه دخالت والتجا
 ایتدیکنی ملا حظاه ایلمک اداب حجد ندر اما حجاجک
 کیمنک محلی یقین و کیمنک بعید اولدیغندن علی العموم
 امت محمدیه تکلیف حج عدالت الهیه یه منافیدر دیو پرو
 تستانلرک اعتراضی اصلا وارد اوله منر چونکه حضرت
 عیسا ییله انجیلده دیدی که حیات کتورن قپوغایت طار
 اولوب جهنمه کتورن یول واستدر بونک معناسی
 باعث جنت اولان اعمال نفسه غایت مشقتلی اولوب
 باعث جهنم اولان اعمال غایت سهولتیدر و پیغمبریمز
 بیورد یکه (افضل الاعمال احمرها) یعنی اعمالک
 افضلی نفسه مشقتلیدر مشقت زیاده اولد قچه
 اجر و ثوابات زیاده اوله جعندن محال بعیده دن کبدن
 حاجینک اجر و ثواباتی زیاده اولور بوده عین عدالتدر
 ودین اسلامده کوجلک اولمیوب بر نفسه وسعتندن زیاده
 تکلیف اولنمد یغندن وحج ایچون مشروط اولان استطا-

عت قدرت بدنیه و مالییه به شاملدر استطا عتی اولمیانلر
 حجه کتیا مکلله مسؤل اولمز لر (وانها الاعمال بالنیات)
 (و نية المؤمن خیر من عمله حدیث شریفی مقتضا سنجه
 آرزوی حج اید و بده فقط استطاعتله مقتدر اوله میا نلرینه
 نیتلریله مأجور اولور لر پرتستان راهبیری فرض صیامی
 دخی عبادات اسرائیلییه دن مأخوذ اولمسند نطولایی اعتر
 اض ایتد کد نصره انجیل ایسه صیامه دائر بر امر ویر ما
 مش و هر کسی بو بابده مختار بر اقمشدر واقعا فاتوا لك و
 وم وارمنی و سائر بعض خرسیتیان طا ئفه لری بیننده بر
 نوع پر هیز وضع اولنمش ایسه ده بو عادت قدمایه تقلید
 اولوب یوقسه انجیلده اصلا بویله بر یوقدر و پر و تستانت
 جماعتی بویله بر بار کرانی خلقه تحمیلدن اجتناب و بالکنز
 نیات فاسده و خیالات باطله دن امساک و پر هیز اولنوسنی
 هو مه توصیه ایتمشلر اشته بو کبی ظاهری و بی لزوم
 عمللر خصوصنده عبادک کندی اختیارینه حواله ایدن دینک
 البته قوانین مؤ کده شدیده ایله انسانلری اعمال صوریه
 و رسمیه یه مجبور ایلیان دیندن افضل و اعلا و شرفه بالا
 اولمسنه اصلا شبهه بوقدر زیر احسن رضا ایله عبادت
 ایتک کندی پدربینه مطیع اولان اولادک خلقی اما قوانین
 شرعیه نك امر غیر مستثما سنه باله مجبوریه اطاعت ایلمک

افند یسنه بجهور آ خدمت ایدن کوله نك صفتیدر بر آی مدت
 وباغصوص ایام صیفده کوندوز لری اکل و شرب ایتیمیوب
 بر خلاف معتاد کیجه نك صحته محل و اکثر عمل و امراض
 متنوعه نك حصوله سبب مستقل اولمسی اطبانی خاذقه
 طر افندن ادعا اولند یغی شویله طور سون بو فرض کره
 ارض اوزرنده اختلاف لیل و نهار مناسبتیل مالک اهانلیسی
 ایچون کیمی زیاده کیمی نقصان صورتده اجراسی لازم کلوب بو
 دخی عدالت الهیه یه موافق دکلدن خصوصاً التمش یدی درجه
 غرضنده اولان طلوع ابله عروب آره سه بر آی والتمش
 طقوز درجه ده ایکی ویتمش اوچ درجه ده اوچ آی مدت
 مرور ایلک یکنندن بورالرده ساکن اولان اهالی ایچون
 اوچ طوقه نیکن اوله میه جغی و بو و جهل سر حالده و محله
 بولنانلره مناسبت و موافقتی اوله میان بویله بر دینک عهوم
 ناسه تکلیفی حکمت بالغه و عدالت مطلقه الهیه یه لایق
 اولمیه جغی و حاجوکه بومثللو محالرده بیکرجه اشخاص
 دین مسیعه نبوت و بلاعصوبت ابرایته کلر ندن
 اسلامک خورستییا ناسندن افضل دین
 اوله میه جغی درکاردر بو اعتراضاتک هر بری دلائل
 عدیده ایله غیر واقعدر اوله شریعت موسادن بر طایفه
 فمکن دین مسیعه ده ایقنا اولنمسندن طولانی دین محمد

یدہ دخی بولنسی جای اعتراض اولہ منر ثانیہ انجیل
 صیامہ دائر اصلا بر امر و بر مامشدر و هر کسی
 مختار بر اقمشدر دیک کذب صریحدر زیرا استیان
 اوروج طوتسون استیمیان طوتسون کبی بز انجیلدر
 ده تخمیرہ متعلق بر آیت یلمیورزا کروار ایسه پاپاس
 کوسترسون بلکه ثالثا قاتولیک و روم وارمنی ملتدر
 ندہ پر ہیزک اصلی دخی اوروج اولدیغی حالده
 مؤخرہ معهود پاوسک تخفیفات و تحویلاتی صیردہ
 بو صورتہ قولمشدر یوقسدہ انجیلده اورج امری یوقدر
 دیک انجیلہ دخی بہتان صریحدر عیسا شیطان ایلہ
 چولده امتحان اولور کن قرق کون صائم اولوب
 صکرہ آچمقد یغی و اوروج طوتد یغکز وقتدہ یوز
 یگری انکیدوب ناسہ ریا ایتیمیک دیو امر ایلدی و بر
 جنی چیقاردقدہ اصحابی تعجب ایتمکلہ بو مقولہ شیطانی
 اورچ چیقارردیدیکی انجیلدرده مصرح اولمخلہ بولنردن
 ہم حضرت عیسانک کندی اورج طوتوب ہمدہ ریان
 عاری وخالصا لوجه اللہ اورج طوتوغہ امر ایتمش اولد
 یغی میدانده در حتی اون التی سنہ عیسایہ ایسان
 ایدن مؤمنلری انواع عذاب ایلہ اعدام ایدن معهود
 پا و لوسک کندندن مقول اولان بر خیال عجیب اوزر

ینہ کو یا نصرانیتمی قبول ایلوب صوم وختان مثللو
 شریعت عیساده واقع اولان احکامده کمسنی یہودہ
 مشابہت لازمکلور دیرک و کمئی سائر کوند تاویل بعید
 لرله تاویل ایدرک نسخ و تبدیل ایتدیکی اثنادہ زوا
 للی باطروس مقابلہ یہ قیام ایتمک صدندہ بولندیسه
 ده باولوسک چکده سی چاکلملی اولدیغندن باطروسه
 فصل غلبه ایلدیکی واو ذات عالی قدر ایسه بر خرو
 س او تنجه یہ قدر حضرت عیسا پی اوچ دفعه انکار ایده
 چکن قدر ضعیف القلب اولمغله خوفندن ناشی سکوتی
 اختیار ایلدیکی ائمہ نصارا کنا بلرنده مصر حدر
 رابعاً پروتستانت جماعتلریزک بویله بر بار کرانی
 خلقده تمیلدن اجتناب ویا لکن نیات فاسده وخیالات
 باطله دن امساک و پر هیز اولنمسنی عمومہ توصیه ایتمکه
 اصلاً حقلری یوقدر زیرا دین من قبل الرحمن ایسه
 آنک احکامنی نوع بشر تغیرده مقتدر اولدیز واکر دکل
 ایسه شمدی یہ دکین عقد اولنان نقدر قونسیلر وار
 ایسه انلرده ویریلان قرارلرک جمله سی جای اعتراض
 اولمق لازمکلور حالبو که پروتستانلر انک چوغنی رد
 وانکار ایدرلر یا بو حالده لوتر ویا قاولوین کبی
 راهلرک ویا خود معترض کبی پروتستانت

جمعیتلری طرفلرندن احقر تله لوتولمش پاپاسلردن مرکب
 جماعتلرک تمیبه وتوصیه سنه نه اعتبار واردر خصوصاً
 صیام معترض پاپاسک ظنی کبی یالکز آچ صوبسز طور-
 مقدن عبارت اولمیوب آنک احکام باطنه سی اولمفلر اویل
 الهی بر اساسه مبتنی اولان فرضی دکل اویلر پاپاسلرک
 نوع بشردن کیمسه ناک تحریف وتبدیلر صلاحیتی اوله مز
 خامسا صیام ظاهری و بی لزوم اعمالدن دکلدر معلوم
 ارباب عرفان اولدیغی اوزره بدن روحک مطیه سی
 وهوای نفسانینک جولانکاشیدر مواد جسمانیده نئدر
 غلظت اولورسه مکاشفات روحانیده او قدر کثافت اولور
 بو قاعده هر دین ومنهبدیه متفق علیه اولوب هپسنده
 ریاضت بدن وسیله تقرب الی الله اولور و ریاضتله بدنده
 قوتک نقصانی شهوات نفسانیه ناک انکسارینی استلزام ایدر
 دیو ریاضت معتبر طوتلمشدر بین الاسلام صومک اوچ
 درجه سی واردر برنجیسی صوم عمومی درکه. شرعک
 تعیین ایتدیگی زماننده اکل و شربدن وشهوتدن امساک
 ایله برابر اوامر الهیه یی اجرا ونواهدین اجتناب ایتمکدن
 عبارتدر.

ایکنجیسی صوم خصوصیدرکه صوم عمومده مشروط
 اولان احوال ایله برابر کوز قولاق لسان ال ایاق جمیع

جوارح و اعضاءك مناهى و مكر و هاتدن امسا كندن عبارتدر
 او چنجيسى صوم خصوص الخصوصيدر كه ذكر اولنان احوا
 لدن فضله قلبك مهم دنيويه دن و تقرب الى الله مانع اوله
 بحق افكار دن و بالكليه ماسوى اللهدن منع و امسا كندن عبا
 رتدر و روايت بخارى اوزره حديث شريفده (من لم يدع
 الزور و العمل به فليس لله حاجه فى انه يدع طعامه و شرابه)
 بيورامشدر يعنى صائم اولان كهمسه كذب و زور ايله قول
 و عملى ترك ايتمزسه آنك ييويب ايچمه يي ترك ايتمهسنه
 جناب اللهك احتياجى يوقدر بوييله طوتيلان بر اورجك
 اعمال ظاهر يه دن و بي لزوم اولديغى ارباب حقيقتنه عياند
 خامسا حسن رضا ايله عبادت اولادك پدريه اطاعتى و امر
 شرعه عمل كوله نك جبراً افندى يه خدمتى قبيلندند
 تشبهي دغى بر تاج و جهل ييرنده دكلدر اولانسان نفس
 و شيطانه مبتلا اولديغندن اكر اعمال دينيه ده بخير بر-
 اغلهمش اولسه البته تركى جهتنى اختيار اينچكى دركادر
 ثانيا پروتستانت جماعتلىرى بو خصوصده عمومى بخير برا
 قدقلىرى كبي و افتيز و ذبيحه كبي احكامده نيچون تخيير
 ايتيويوب اجبار ايده يورلر ثالثا دين محمد يده اعمال عباد-
 ت ك درجات معينه سى وارد در درجه اولى فرائض و واجبات
 ركه تركى كناه و معصيتدر درجه ثانيه فرض كفايت و سنن

مؤکده در که ترکی بیوک کناه ذکل ایسده اجراسی اوزم
 ایماندندر درجه ثالثه نوافل و مستحبیاتدر که اجراسنده خلق
 بخیردر فقط اجراسنده حسنات وارد در صوم دخی
 نص قرآن ایله فرض اولمغله آنده تخییر ممکن اولمغله
 زیرا شریعت احمدیه امر الهی اوزره مؤسس اولمغله انک
 تغییرینه بشر مقتدر اولمغله لیکن شمدیکی دین مسیح
 ذاتا جهامت رهبانیه مابعدسی اولمغله بیک کیره تبدیل
 و تحریفی اولمغله آی هر کس دیندیگی کبی کشدیره بیلور
 رابعاً بز الله تعالی نیک حاشا اوغولمیری دکاور. بلکه عاجز
 قولم بیموز او ایسه بزم خالق و رزاقین و افتدیه در انک
 امریله عمل ایتمکدن بزجه اصلاحیا عارض اولمغله جناب -
 الهیه عبودیتدن استکاف معترض و متکبر و مغرور لره
 مناسبدر بر ای مدت و علی الخصوص ایام صیفده کوندوز -
 لری اکل و شرب ایتمیوب بر خلاف معتاد کیجه لری میوب
 ایچمک صحتنه مخل و علل امراض متنه عنک حصولنه سبب
 مستقل اولدیغی اطبای خاذقه نیک اخباریله ثابت اولمغله
 دخی بزجه مسلم دکندر زیرا اداب صیامدن بری دخی
 حین افطارده تابکو معدنه طاولدیر میوب دنوز اشتیاق
 لیکن طعامدن کفی بد ایدامک اولمغله نو وادییه رعایت
 ایدنلرک علل و امراضدن سالم اولمغله ینه طببا متحققدر

و برده پر و تستانت اطباسنك بوز سوز لری صحیح اولسه
 میالك اسلامیه ده رمضانده کثر تله و فیات وقوع بولمق لاز-
 مکوردی حالبوکه صحیه استانتستقلرنک هیچ تفاوت کور و لمز
 و عقلا دخی دوشونلسه اکثر انسان صباح واقشام ایکی
 کره طعام ایدر طعامنک وقت معتاددن بر قاچ ساعت اول
 اکلندن وجودجه نه قدر تغییر حصوله کله بیلور و بلکه
 بدایت صیامده بر ایکی کون بر از تغییر حس اولور سه
 ده بعده معتاد اولوب حس اولنده مز بو جهتله صیامدن مز-
 جمک تغییری نوادر دندر اختلاف لیل و نهار اولان مهالکه
 کلهجه دیکرندن بر قاچ ساعت زیاده اورچ طوتان عملی
 نسبتنده مکافات ربانییه مظهر اوله چقندن عدالت الهیدییه
 قطعاً مخالف اولمز قطبلر جهتنده بر قاچ آی متمادی لیل
 و نهار اولان محللرده دخی پاپاسنک تصور ایتدیکی کبی اصلا
 کلفت یوقدر زیرا بالدفعات بیان اولندیغی اوزره دین
 اسلامده کوجملک و بر نفسه وسعدنن خارج تکلیف اولنده مز
 مثلاً ابدست اعضاسی درد ایکن بر آدمک ایکی ایاغی
 کیسک اولسه ایکی به تنزل ایدر بر کیسهسه قیاما نماز فر-
 ضه مقتدر اولندیغی صورتک قعوداً ادا ایدر بو کاده مقتدر
 اولمز سه قاشی کوزیله ایما ایدرک قیلله بیلور کذلک رضان
 آینده صائم اولمق فرضدر لکن بر آدم خسته اولسه

یا خود اوچ کونلك ودها زیاده مسافه یه کیتسه فرض ساقط
 اولوب وقت آخرده راحت ایلدکده قضا ایدر لیل و نهاری
 او وجهله امتداد ایدن محللر ده بولنان اهل اسلام دخی موخرا وقت
 امکانه قضا ایتمک اوزره اوروج طوتهزلر معلومدر که جناب
 حقک تجلیات و تکلیفات الهیسی عموم اوزره مساوی دکدر
 مثلا کیمنی غنی فیلوب اکا حجی فرض ایدر و کیمنی فقیر
 فیلوب فرض ایتمز کیمنه قدرت و بیروب صومی فرض ایلر
 و کیمندن قدرتی سلب ایلر فرضی اسقاط ایدر کیمنه نصابه
 بالغ مال احسان ایدوب زکات ایله مکلف قیلر و کیمنی
 فقیر ایدوب اخذ زکاته مستحق ایلر بومثللو محللر ده بیکار
 جه اشخاص دین مسیحه تبعیت و بلا صعوبت اجرای آیین
 ایتد کلری دخی شبهه دن ازاده دکدر زیرا ذکر اولنان
 دائره قطب شماله قریب محللر امریقا منتهای شمالیسیله
 سبریا نك اوچلر ایدر بوراده اسکیمود و ساموید قوملری
 کبی قلیل المقدار بر قاچ قوم ذلیل ساکن اولوب بالق
 و حیوانات و خشیه شکار یله تعیش ایدر لر بغدادی اوزوم
 کنی شیلر زراعت ایده مدکلرندن اتمک و شراب بیلمز
 لر اوراده ذبیحه مقدسه اجرا ایدر کن پاپاسک نه یا پدیغنی
 استرز چونکه عیسانک لحم ودمی اتمک و شرابه تحول ایده
 جکندن بوراده کی خورستیانلر الیلرینی بیوب ایچه مز 5

ظن اولنور که اتمک و شراب بولنه غله ذ بیعه فریضه
 سندن فراغت اولنه میوب بالق و شکار اتلریله ایر مق
 صولرینه تحویل اولنور ایبدی بو کلفتی اختیار ایله
 سقوط فرضی تطبیق ایتدیکه زده بودینارک قنغیسی سهل
 الاجرا اولدیغی یز یوزینک هر نقطه سنده بولنان هر
 قوم بلانکلف دین اسلام ایله متدین اوله بیلور و بنا بر
 بین تثلیث اوزره تفوق رحمانی اوله جفی کونش کبی
 ظاهر در پروتستانت راهبلیر ینک اعتراضا سندن بریده
 قرائتدر دیرار که ارکان صلواتندن اولان قرائت بعض
 مرتبه روحانی اولمک لازم کلور سه ده لدی الملاحظه نأ
 سف اولنور که بو یولده قرائت دخی ارکان سائره مثللو
 رسمی و غیر روحانی اولدیغی تبیین ایدر مثلاً بش وقت
 نمازده تکبیر و فاتحه و التحیات و سبحان ربی الاعلی و سبحان
 ربی العظیم ودها بونلره مماثل برقاچ کلمه و نسبیعاتدن
 عبارت اولوب بونلری مادام العمر هر کون اوقات
 معینه ده تکرار ایدر لر بوندن طبعه اوصانمق کله چکن
 و هر رسمیه اته اعتنائیله برطاقم فانی و غیر مهم عملر ایله
 اوغراشمقدن بشقه بر فائده کوره میه چکی حصرت عیسا
 نک انجیلده بیدر دیغی شوایکی آیتندن مستباندر (دعا
 ایلدیکنز وقت طائفه لر کبی بیهوده سوزی چوغالتیمک

زیرا انلر چوق سوبلدکاری ایچون مستجاب اوله چقلر-
 ینی ظن ایدر لر ایهدی اول محتاج اولد یغکز شیلری
 پدربیلور) ارباب تحقیق و عرفانه خفی اولمدیغی اوزره
 بونک مابه الحیاتی بدل مایتحلل اغدیبه اولدیغی کبی روحک
 دخی مابه التقدیسی ذکر اللهدر یعنی جسم غذا ایله فوت
 بولور روحه دخی ذکر الله ایله و ماسوی دن قطع علائقله فوت
 کلور و عبد ایله معبودک ار سندن حائل اولان عجبات نفسانیه نک
 بالتدریج از الیه سی ایچون قوای شهنانیه به واسطه ریاضتله
 ضعف کتور مک و قوای روحانیه به رابطه ذکر ایله فوت
 ویر مکند غیر ی بر چاره یوقدر ظاهرده بر آدمک آخر
 کیمسه به درجه میل و محبتی انی ذکر ایتمسدن اکلاشیلور
 زیرا کشی سودیکنی بالطبع چوق اکار و عاشق شده مود
 تله معشوقده فنا بولوب هر آن وحالده ذکر نندن فارغ
 اوله مز دین اسلامده دخی اقصای مطلب محبه الله اولمغله
 انی هر کون بش وقتده نیجه کره ذکر ایتمله وسیله تقوی
 یله روح و تقویله روح دخی رفع حجبات ایله سبب وصال
 معشوق اولور صلوة خمسده فرائد اولنان تکبیرات
 و تسبیحات بالجمله بو مقصده اساس دائر مسنده اولمغله بو-
 نلردن بر موحدک طبعه فتور کلامیه بکی و رسمی و غیر
 روحانی اولمدقلری آشکاردر خصوصیل هر رکعتده تکرار

اولنان فاتحہ شریفہ نك معانی باطنہ سنہ دائرہ عامای محققین
 اولقدر تحقیقات بیان ایتمشلردر کہ جمع و تعدادی قابل
 دکلدر از جملہ صدر الدین فنوی حضرتلری اونوز جزؤ
 دن مرکب بر کتاب مستطاب تألیفی ایلیوب اشبو کتابدہ
 تحریر اولنان معانی فاتحہ شریفہ نك مشتمل اولدیغی حائق
 ودقائق اقل قلیلیدر دیو ایراد معنرت ایلمشدر
 پرتستانلرک نشر ایتدکلری رسالہ لرک برنده دین
 شمدی ایله دین مسیحک صورت وضعیتی حقندہ مفصلجه بر
 محاکمه بولنوب بونک عبارہ بعبارہ شرح صورتدہ جوابلری
 یازلمق توضیح مقصدہ باعث اوله جغندن رسالہ نك متنلری
 قوسلر ایچنه النہرق ارہ لریبہ اجوبہ لازمہ سی درج
 اولندی مذکور رسالہ ده دینور کہ حضرت عیسی المسیحک
 تعلیماتنجہ ملکوت الله هر بر قومک و امتک مناسبات دولیہ
 و سیاسیه لریبہ و یا هیئت اجتماعیہ لریبک اصول و نظاماتنه
 و حال و مسکنلریبہ موافق و مساعد بر اداره اولوب بر
 مملکتک نظامات بلدیہ و سیاسیه سنہ ایراث غل ایتدر۔
 مکسزین اول مملکتدہ تقرر ایده بیلور (فی الحقیقہ انا
 جیل موجوددہ معاملات مدینہ و سیاسیه دائرہ پک ازشی
 بولندیغندن مؤلفک دیدیکی کبی اولمق لازمکلور ایسده
 شمدی بہ قدر خرسیتیانلق اباق باصوبہ اسکی اصول و حال

ومسکنلرینی ونظامات بلدییه وسیاسیه لرینی زیر وزیر
 ایتمدیکی بر مملکت کورلمدیکندن وقوجه روما دولتنگ
 کتبخانه لرنده طوران قوانین سیاسیہ وعادات ملیه لری
 خرستیانلق سایه سنده محو اولدیغندن آنک اوله قولایجه
 بر مملکتده تقرر ایده بیلمسی تصور اولنه مز زیرا بو
 دنیانک ملکوت وسلطنتنه مشابه اولمیوب روحانی وحقیقی
 بر ملکوتدر آنک حقیقت روحانیتی وطبعیت مخصوصه دینه
 سی اقتضاسنجه انسانلرک بولندقلرن هر بر حال محالرینه
 مناسب اوله رق نه نظر اعتبار حکام واکا بری جلبه سعی
 ونه ده میل ورکونلرینی رد ایدر

(واقعا یر دین انسانلرک بولندقلری هر بر حال ومحل
 مناسب اولنجه ارتق حکام واکا برک جلبنه لزوم قالمز
 زیرا او دین کندیسی کندینی نشر ایدر فقط پروتستان
 نلرک نشر دین اوغورینه ندرجه سعی ایلدکلری میداند
 اولمغله بو قضیه دخی واقعه مطابق دکلبر وبرده حکام واکا
 برک جلبنه میل ایتمامک بر نوع علوهمت ایسه ده میل
 ورکونلرینی رد ایتمامکده عجبانه معنی تصور اولنور بو
 قسه مؤلفک نظرنده بوده می دینک روحانیت طبیعیه سند
 ندر) وبو دنیاده انک مقصد مخصوصی بو ملنک دائره قوت
 وقدرتنی توسیع ایتمک اولمیوب اصل مرادی الله تعالی

حضرتلرینک عزت و سلطنتنی هر بر آدمک قلبنه و هر بر
 دودمانک اراسنه و هر بر ممالکت اهالیسنه ادخال و انفاذ
 ایلمکدر (حالبوکه بو مؤلف ینه اورساله نک سکسان ید
 نجی صحیفه دن یوز یدنجی صحیفه یه قدر خرستیانلغک اسلام
 اوزرینه رحجاننی اثبات صددنده ممالک اسلامیه نک خرا
 بیتنی و اوروپانک ثروت و معموریتنی دلیل کتورمشیدی
 شمدی بوراده بر ملتک دائره قوت و قدرتنی توسیع ایتمک
 مرادی دکدر دیدیکی ینه اوراده دیدیکی خرستیانقلهیدر
 یوقسه بوده بشقه بر دینمیدر) انک تاثیر و نفوذینی قبول
 ایله اکا اعتنا ایدنلر لابد بو دنیاچه بر رابطه مقدسه اخوته
 و سعادت حال ایله برابر عقل و کسبیاسته نائل و آخرتک کمال
 تبهودیتدن ذوقیاب اولوق نعمتنه و اصل اولورلر (بو وصفه
 کوره انکلتره و پرورسیا دولتلیریله امریقا جمهوریتلرینک
 خرستیان اوامارنده پک شبهه اولمور زیرا بونلرک ارم
 لرنده اویره بر رابطه مقدسه اخوت و سعادت اوله جق علا
 مات کورلمیوب هیسی پولتیقه منافعی اوغورنده مقتدر
 اولسه لر بر برینک کوزلرینی اویارلر و اوتر فرقه سیله
 قالوبن گروهی و سائر پروتستانت شعبه لرینک بر برلر
 ینه اولان خصوصتلی سائرلردن از دکدر) اکر دین
 محمدیه نک خرستیانلقدن اعلا و رافع اولوق ادعاسی حق

وصحیح اولمش اولسه ایدی ملکوت الہی بالادہ وصف
 اولند یغندن زیاده اعلا و روحانی کوسترمسی ویر یوزنده
 بولنان ملل و طوائفک حال و محفلرینه انسب و انسانی دنیاده
 سعادت حال و حکمت و کمال و عدالتہ ایصال ایلمکده افوی
 اولمسی و انلری ترک غائلہ دار فنا ایده جگری زمان
 عزت و سعادت ابدیہ یه دها زیاده امید وار قلمقده مؤثر
 بولنمسی ایجاب ایدر ایدی (محمدیلر عندندہ ملکوت الله
 شریعت غرای محمدیہ در آنک احکام جلیلہ سیلہ عامل
 اولملرک نہ کونہ نعم نا متناہیہ آخریہ نائل اوله جگری
 واکامتمسک اولمیانلری نوجیلہ مظاهر نکال و خسران اوله
 جگری قرآن کریمده و احادیث شریفہ ده اول وجه
 اکمل اوزره وصف اولنمشدرکہ اندن ایلروسی تصور
 بشرک و راستده در فقط مؤلفک دورت انجیل ایله بطرو
 س پاولوس مکتوبلرندن بشقہ دنیاده نہ واردر معلوماتی
 اولمد یغندن بویله بر ادعای غریبده بولنمسی جهلندن
 غیرن بر شیشه حمل اولنہ مز و سعادت حال و حکمت
 و کمال عدالتہ ایصال ایلمکده دین محمدینک در جده سنی
 بیلمک دخی ملوک اسلامیہ تاریخلرینی کوزلجه مطالعہ
 یه موقوف اولمغله بونیده کندینہ خالصانہ اخطار ایدرز
 (حالبو کہ بو ایکی مسلکک احوال و کیفیاتندن خبردار

بولسا نلره قصیه نك تماميله بر عكس اولدیغی معلوم و آشکار
 در اوله در بر کره دین اسلام ایله خریستیانلغک احوا
 سنی و تار ییخلرینی بر آدم او قود قده مؤلغک دیدیکی عکسک
 تماميله عکسی میدان چیقار) هر بر خریستیان اولان
 کسه سبکک امواتدن قیام ایلد یکنی کندی خلاصنه بر
 کهیل عد ایدوب موتک خوفندن شو یله امین اولمشلردر-
 که انلرجه اولک سجده ناسم اولمق کیدر وموتی ضرر
 عد ایتمیوب بلکه فائده عد ایدر لر ا کر چه مسلمانلرک
 پک جوغی اولمدن خوف ایتد کلری حالده ینه اعتقاد
 لر نچه کندولرینی آخر تده امیدوار ایدر چک بر چوق
 مواعد بولند یغنی و با خصوص غزا چلغنلری حال
 نزلرنده کندولرینی در اغوش ایلمک اوزره حوز العینک
 روضه رضوانده صفا بسته توقیر اولد قلرینی بیله ظن ایتد
 کلری بزجه دخی منکر د کل ایسه ده مع هذادم نزعده
 بعضیلرنده کور بلان همان اول مسرت دین مذکورک
 خریستیان دینی قدر سماوی و روحانی اولدیغنی اثبات
 ایدر زیرا مسلمانلرک بو فرضلری آخر تده احسان اولنه
 جق بر طاقم حلال لطیفه و اطعمه نفیسه و حور العین کبی
 حظوظات نفسانیه ولذا نذ جسمانیه به مستنددر اما بخر-
 ستیانلرک او حالده مسرتلری کناهدن تطهیر اولنمش

ابدان جدیده روحانیه ایله جناب معبود حقیقینک حضور
 یند تقرب ایلمک امنیت کامله سنه میندر (عقیده اسلا
 مده بعد الموت وقو غبواه حق نشر وحشر جسمانی اولمغله
 آخرتده کی مکافات و مجازات جسمانی و روحانی اوله
 جقدر و مکافات و مجازاتک دخی درجات اعماله کوره
 مراتب عدیده سی اوله جخندن عندالاسلام اعلائی مراتب
 اخرویه وصلت الهیه در یوقسه یالکتر جنت طعامیله مله
 و حوره مقصور و منحصر دکلدر فقط بوراستی سوبلمک
 مؤلفک غرضنی ترویج ایتیه جکندن یالکتر جسمانی جهتی
 بیان ایله کویا تعریضه قوت و برر حالبوکه قدرت الهیه
 یند نهایت اولمغله بوقدر افکار و تعصبی ایله برا بر مسلمینک
 و شهدانک حین موده خرسیتیانلردن زیاده مستریح
 و مسرور اولدقلرینی یند کندی اعتراف ایدر (وانجیلده
 حضرت مسیح ایمانی اولیمان بر آدمی و یا بر حکمد -
 ارك تهدید و تنکیلسنی امر ایتمیوب بلکه حکمدار کافر
 اولسه دخی اطاعتنی امر ایلمشدن) زیرا ایتمش سکسان
 کش ایله روما دولتنه و بنی اسرائیله قارشو جهاد ایتک
 ثمن دکل ایدی (انجیل جلیل حکام و سلاطینه اطاعت
 ایلمک و حتی مؤمن اولیمان حکمدار لر شویله طورسون
 خرسیتیانلغه بعض و عداوتی اولان حکمدارانیه بیله نظما

مات دنیویہ جہ سرفرو بردہ انقیاد اولمق ایجابنی
 جملہ یہ تعلیم و توصیہ ایذر) لکن تعجب اولنور کہ پرو
 تستانلغک واضعی اولان (لوتر) بسبللی خرسیتیانقده
 بوبله بر قاعدہ دینیہ اولدیغی بزم معترض قدر یلمند
 یکندن و یاخورد کندیسی جملہ ده داخل اولدیغدن
 اصلا بوکا اعتبار و انقیاد ایلمامشدر حتی انکثره قرالی
 سکرچی هانری حقنده یازدیغی مقالات ردیده غر
 بب و عجیب سان احترام قوللانور مثلا ۱۸۵۸ سنه سنده
 مطبوع اولان نسخه سنک جلد سابعدن ۲۷۷ چچی صحیفده
 (ملت سلامتی ایچون بن دیوٹ ایله سویلشیورم او حما
 قتی سببیله عزت منصبک حقوقند حرمت ایتدیکی حا
 اده بن نیچون اودیوٹک کذبنی بو غازینه طبعه مم ای
 جاهل مشه اودونی سن ملکک مرخصی اولدیغک حالده
 نیچون ساخته کار بر یالنجی و کفن صوبوچی و سارق
 احقنک اشته انکثره دیارینک فضائل و برکاتی ایله
 اداره سی بعدداسنک الکه قالمشدر) و کذا و کذا اشته
 کوریلپورکده پروتستانلرک امام و مقتداسی اولان
 ذات خرسیتیانلغه اصلا بعض وعداوتی اولیب فقط
 لوترک تجدید اتنه قولق اصمامق ایله نظرند متهم اولان
 هانری یہ سرفرو ایتد کدن فضلده حقنده شو تعبیرات

اخوتکاران دینی استعمار بدن قطعاً تخشاشی و حیا ایتما مشر (و حضرت محمد جنک ایدرک بر حکومت سیاسیہ شکلنده کورینور ایدی / زیرا دین اسلام مدینه منوره ده جهاد ایتما قوتنی بولمش و حضرت پیغمبر ذیشان جناب موسی کبی جهاد ایلنه مأمور اولمش ایدی حضرت محمد دینی و دولتی توأم و درهم طوته رقی هم مرتبه علیای نبوتی و همده مسند بالای سلطنتی کندوسنه تخصیص ایلمشدر)
 بو عبارته نك نصف مقدمی صادق و نصف تالیسی کاذبدر واقع دین اسلامده شریعتدن بشقه حاکم و حکومت یعنی شریعتدن خارج بر سلطنت یوقدر زیرا شریعت محمدیه ده جمله مؤمنین احرار در زیر ابو شریعتده معاملات سیاسیہ ایچون مقتضی اولان قوانین اساسیه اولقدر مکملتر که اندن زیاده سی متصور اولدمنز حتی بونلرک اساسی او یله قواعدر صینه اوزره مؤسدر که نیجه بیک عصر لر دهها کلسد و معاملات مدنییه دهها نیجه بیک رنکلسره کیرسه یله بو اساسلر اوزرینه هر عصر وزمانک ترقی و اقتضاسنه کوره تأسیس احکام ایتما ممکندر اسلامک دین دولت توأمدر چونکه دین اسلامک مشروع اولان حکومت معترضک ظن ایتدیکی سلطنت قاهرانه و حکومت متغلبانه اولمیبوب بلکه احرار مسامینک بیعت و حسن قبولی ایلله

نصب اولنمش بر اولی الامر در فقط حضرت پیغمبر نبوتله
 سلطنتی کندینه تخصیص ایتدی دیمک قدر جاهلانه برسوز
 اوله مر زیرا جناب بنی ذیشان مدة عمرنده اسباب
 سلطنته تنزل ایتدی دائما قناعتله تعیش ایدردی حتی وفا-
 تنده بر زرهی ینه مقابل مرهون بولندی ووحی الهی
 اولدقچه هر نه زمان جهاد کبی بر امر عمومی به مباشرت
 بیوره حق اولسه اصلا رأی خودیله حرکت ایتمیوبت (وشا
 ورهم فی الامر) آیت کریمه سی موجبچه اصحابیل بالمشا-
 وره هر کیمک رأی احسن ایسه مقتضاسی اوزره بیورر
 دی واقعا لوتر وقالوین زمانلرینه قدر خرستیانلغک حکو-
 مت سیاسیله ایله اتحادی اوروپایی بر حاله کتورمشدی که
 بتون علمای سیاسیون بو دیندن بودولتی آیر مدقچه اضمحلال
 مقرر در دیو بو فریاد و فغانی عیوقه قدر چیقارمشلردی
 صکره دن پر و تستانلر پاپا حکومتنه رغما بومسئله ای التزام
 ایتدیله و خرستیانلق و بلکه بتون عالم انسانیت ایچون
 حقیقته خدمت کوستردیلر و اکر شمدی به قدر پاپالرك
 قوردیقی حکومت دوام ایده ایدی هم خرستیانلغک و همه
 دولتلرینک مضحل اوله جقلری محقق ایدی

لکن بو حکم دین اسلام حقنده صحیح اوله مر چونکه
 دین اسلام اوزره تأسس ایدن حکومتلرک احکام شرعیه

ایله عامل اولدقلری آوانده کسب ایتدکلری قوت و شوکت
 تواریخ موجوده ده و بر چوق اثرلریده اسپانیا قطعہ سنده حالا
 طور یور (اسلامیت حکومت جسمانییه میلندن ناشی حقا
 نیت و تقدس و قرب الہیدن قوت و ثروت دنیوییه میال اولان
 اشخاص دنیا پرستی جذب و جلب ایدہ کلدیکندن انتظام
 معنویہ دینیہ کبی اوامیوب تا اساسندن مشوش و مختلط بر
 عالدہ بولنمسی لازم کلمشدر حالبوکه دین مسیحک طبیعت
 مقدسه و مجردہ سی و حکومت و عظمت دنیویہ دن امتناعی
 و متوکلا علی الله مدتارجه دوچار انواع مشکلات و گرفتار
 پنجه قهر و غلبه اعدا اولمسی تا ابتدادن اصحاب اغراض
 و ظاہر پرستانک دخوالرینه سد ما نعت اوامشدر) حقیقت
 حال ایسه تمامیلہ بونک عکسنه در قبل الهجرة مکده ایمانه
 کلنلرک ایچنده قوت و ثروت دنیوییه میال و دنیا پرست
 اشخاص بولنمیبوب چهل سی ضعفادن و دین اسلامک علیچنده
 بولنان صناید قریش ایسه اصحاب ثروت و قدرندن و دنیا
 پرست اشخاصدن ایدیلر اما لوقا انجیلنک بکر می ایکنجی
 بابنده محرر اولدیقی و جهل حضرت عیسانک موتندن بر
 کون اول حواریون ایلہ فصیحی اکل ایتدکدنصرکه انلرہ
 کندینک قتل اولنه چغنی و ایچلرندن بریسی کند یستی
 تسلیم ایدہ جکنی سویلمسی اوزرینه حواریون ارسنده

قنغیمز بیوک اعتبار اولنه جق دیو نزارع دوشدی وحین
 اخذنده یاننده کیلر هپ متفرق اولدیلر و آنک دوستی
 کچینان بطروس خروس اوتنجه قدر اوچ کره عیسایی انکار
 ایتدی لکن حضرت پیغمبر ذیشانک حیاتنده اصحابی ارسنه
 بر پتوق عظمای قبائل و اصحاب ثروت و اقتدار وار ایکن
 آنلردن بو مقبوله بر بادره بی ادیبانه وقوعه اولدی زیراً
 بونلرک قبول اسلام ایتملری حطام دنیا ایچون اولمامقله
 جمله سی دین مبین اوغورنده مال جانلرینی بدل وفدا
 ایتدیلر اشته حقانیت و تقدس قنغی طرفده زیاده اولدیغی
 وقوت و ثروت دنیوییه میال اولان اشخاص دنیا پرستی
 قنغیسنک جذب و جلب ایتدیکی بوندن ظاهر اولور (اسلامک
 دینی دولتدن تفریق ایتمامسی نقصانی بر قاچ وجهله تبین
 ایدوب نقایص مز بوره نک هر برنده انسانلرک دینجه اولان
 احتیاجاتنی داائم خرسیتیانلغه نسبتله زیاده سیله تناقضده بو
 لندر دیغندن دینک دکل اعلاسی الا ادنا بر نوعی اولدیغی
 ثابت و مبرهن اولور ایمدی بو صروده دین و بولتیقه اتجا-
 دینک إنتاج ایده بیلجکی بعض مخاطراتک وجهی بیاننه ابتدار
 اولنور) برنجی فقره ده بیان ایلدی کمز وجهله معترضک نظری
 داائم دین اسلامی دخی متی یوحنا بطروس پاولوسه اسناد
 اولنان بر طاقم مکتوبات مصنوعات قبیلندن بر شی طننه

مبتنی اوادیغندن بیان ایده جکی مخاطرات بتون او منبعدن
 منبعدر (بو دخی امور محققه دندر که عرستیاناقی اسلامدن
 زیاده نشر اولندقدنماعدا انی قبول وایمان ایتیمانلر ایله
 نه مقاتله ونه ده ناموس ویاقدر وحیثیتلرینی مغل اوله حق
 بولده بر معامله ایتمیوب ایمان ایدنلری مظهر فیوضات
 کثیره ایده کلهشدر) غرناطه نك استیلا سیدنصره انکیز
 یسیون جبریله نقدر اسلام ویهودک جبر اعرستیان ایدلدیکی
 بوئله تحویل مذهب ایتمشلر ایکن نوجهل آتشارده کباب
 اولندقلری بنه پاپاسلرک قلمیل یاریلان اندلس وانکیز یسیون
 تاریخلرنده اولا اقومنی صکره بو اکا ذیبی یارمغه جرأت
 ایدر سه مظهر تقدیر اولمیشدر (اما اسلام طبیعت احکامی
 اقتضاسندن اولهرق دائما معارضین وغیر مسلملر ایله
 محاربه مغلوبی جذیه کتار اینوب حقارندن معامله استحقاریه
 مجبوردر ایمدی موضوع بحث اولان شو ایکی دیندن قنغیسنک
 طبیعت اسکاهی عاطفانه وشننه و باو بهونق و مناسبته زبانه
 نوع بشر احتیاجاتنه انسب و اوقی اواق ادعاسه مستحق
 والیق بولندیغنی ارباب زکا واصحاب انصافی اولانلر ادنا
 ملاحظه ایله درک وتمیز ایده بیلر لر) وافعا تاریخ مید
 انده اولمسه وهر کسده معتزی پاپاسک بو اعتراضی الله
 ایچون اولمیبو مجرد تعصب و فکر فسدندن یا اچه طمعند

ن ناشی اولدی یعنی اکلامیه جق قدر حمائتده بولنسه معتر
 ضنك خرافاتنه قولاق اصار بر اوزون قولاق دخی بولنور
 لکن تاریخلر میدانده وانلس احوالی تاریخلرده اولدیچه
 هیچ بر اهل زکا وصاحب انصاف معترضنك حیلله لرینه
 الدانمز (فقط مالک اسلامیه نك اك معتناسی ارلان ترکیا
 ده بویقین وقتلره دکین تبعه غیر مسلمه یه مخصوص
 اولان تعبیرات استحقاقیه منع ایله انلرک دخی حقوقچه
 مسلمانلره مساوی اولمیرینه قرار ویرلدیکی قولمیزی
 مثبت بر کیفیندر)

